

উৎকষ-বিধান ।

নানাবিষয়ক সহপাঠ্য-পূর্ণ গল্প ।

অল্পবয়স্ক বালকদিগের পাঠার্থ

সংযুক্ত বিদ্যালয়ের অলঙ্কার শাস্ত্রের সহকারী

অধ্যাপক

শ্রীগিরিশচন্দ্র বিদ্যারত্ন

কর্তৃক প্রণীত ।

কলিকাতা ।

য়জ্ঞাপুর, ৫৮।৫ অপর সরকারিউলার রোড

গিরিশ-বিদ্যারত্ন যন্ত্রে

মুদ্রিত ।

আগস্ট । ১৮৭০ ।

মূল্য : পাঁচ আনা ।

উৎকর্ষবিধান ।

উপক্রমণিকা ।

জগতে জন্ম গ্রহণ করিয়া বহুয্য জাতির,
কর্তব্যাকর্তব্য নির্ণয় করা নিতান্ত আবশ্যিক ।
কার্য্যাকার্য্য গির হইলে, অকার্য্য কর্ম্মের অসুষ্ঠানে
যে ভাবতই কাহারো প্রবৃত্তি হয় না; সুতরাং
সামান্য জীবন কেবল কর্তব্য কর্ম্ম নির্বাহ করিয়া,
সংসারের সার পদার্থ সুখসমৃদ্ধি সম্ভোগ করিতে
পারিষায় । কার্য্যাকার্য্য পরিজ্ঞান না থাকিলে,
কখন কখন অভীষ্ট লাভের অভিলାষে অজ্ঞান
বশতঃ অকর্তব্য কর্ম্মেও প্রবৃত্ত হইতে হয়, কিন্তু
জাহাতে অভীষ্ট সিদ্ধি না হইয়া প্রত্যুত নানা
অনিষ্টই উপন্ন হইতে থাকে এবং তন্নিবন্ধন
অশেষ ক্লেশ ভোগ করিতে হয় ।

যে কর্ম্ম দ্বারা আপনার বা অন্যের বাস্তবিক

সুখ উৎপন্ন হয়, অথবা আপাততঃ কিঞ্চিৎ আ
 ইইয়াও পরে মহৎ সুখ জন্মে, তাহা কুবিদ্যা ;
 আর যদিও সুখ জন্মে, অথবা প্রথমে বহুকিঞ্চিৎ
 সুখ ইইয়াও পশ্চাৎ মহা দুঃখে পতিত হইতে
 হয়, তাহা অকর্ষব্য কর্ম বলিতে হইবে । কিন্তু
 কি কর্ম করিলে বাস্তবিক সুখ জন্মে, ও কি কর্ম
 করিলে অসুখ জন্মে, নানা বিষয়ে বিশেষ
 অভিজ্ঞতা না থাকিলে, তাহা কোন রূপেই নিরূ-
 পণ করিতে সমর্থ হওয়া যায় না । সুতরাং নানা
 বিষয়ের জ্ঞান উপাঞ্জন করা সংসারী ব্যক্তির
 অবশ্যই আবশ্যিক । জ্ঞান না থাকিলে
 সর্বদা অকর্ষ্য করিয়া অশেষ ক্লেশ ভোগ
 করিতে হয় ইহাতে আর সন্দেহ নাই :

জ্ঞান উপাঞ্জন করিতে হইলে, মনঃ সাধুসঙ্কে
 থাকিয়া, বিচক্ষণ সঙ্কনের নিকট সূত্রপদেশ
 গ্রহণ করিতে হয় (১), প্রাচীন প্রবীণ পণ্ডিত-
 গণের প্রণীত উত্তম উত্তম গ্রন্থ পাঠ করিতে হয়
 (২), এবং মুশীল ব্যক্তিবর্গের আচারিত সদ্যবহার
 সর্বদা দর্শন ও শ্রবণ করিতে হয় (৩) । নিবিষ্ট
 চিত্তে এইরূপ চেষ্টা করিলে, যদিও যাবতীয়

বিষয়ের না হইক, অনেক বিষয়ের জ্ঞান উপা-
জ্ঞান অবশ্যই হইতে পারে। তাহা হইলে আর
যাবজ্জীবন সুখ সম্পত্তি সম্ভোগের কিছুই অস-
ম্ভাব থাকেনা। ফলতঃ সংসারে যিনি যৎপরি-
মাণে জ্ঞানোপাভ্জন করিবেন, তিনি তদনুযায়ি
সুখ সম্ভোগের পাত্র হইবেন।

নানা বিষয়ের জ্ঞান লাভ এক দিনে অথবা
একবারে হইতে পারে না। এই বিস্তীর্ণ
সংসারে এমন বিস্তর বিষয় আছে যে পুরুষ-
পারম্পরায় সম্পূর্ণ চেষ্টা করিলেও যাবতীয়
বিষয় কদাপি অবগত হইবার সম্ভাবনা নাই।
কিন্তু যতই জানিতে পারা যায় ততই লাভ;
সুতরাং যত কাল জীবিত থাকিতে হইবে,
মনুষ্যের উচিত, সর্বদা সর্বপ্রযত্নে নানা বিষয়ের
জ্ঞানোপাভ্জনে নিত্যই প্রবৃত্ত থাকে। আমরা
যৎপরিমাণে জ্ঞানোপাভ্জন করিব তৎপরিমাণে
যুগ্ম-জন্ম গ্রহণের সার্থকতা লাভ করিতে পারিব।
আমরা যত প্রবীণ লোকের সহপাঠে গ্রহণ
করিব, যত গ্রন্থ পাঠ করিব, এবং শীল সজ্জনের
ব্যবহার যত অবলোকন করিব, ততই আমরা

উৎকর্ষবিধান ।

নূতন নূতন বিষয় জানিতে পারিব) ততই
দিগের প্রবীণতা ও বিচক্ষণতা জানিবে, এবং
ততই আমাদের কার্যাকার্য বিবেচনার সাযর্থ্য
হইবে । সুতরাং মনুষ্য-জন্ম গ্রহণ করিয়া আলম
পরিত্যাগ পূর্বক অপূর্ব অপূর্ব বিষয় সকল
জানিতে ইচ্ছা ও চেষ্টা করা অবশ্য কর্তব্য কুর্য
সংশয় নাই ।

কোন গুণবান ব্যক্তির গুণের উপযুক্ত পুর-
স্কার দেখিলে সকলেরই সেইরূপ গুণবান ও
ভাদৃশ পুরস্কার-ভাজন হইতে ইচ্ছা হয় । আর
সেই গুণশালী ব্যক্তি যেরূপ উৎকৃষ্ট কার্য
অনুষ্ঠান করিয়া জীবনযাত্রা চরিতার্থ করেন এবং
লোক-সমাজে যথেষ্ট প্রতিপত্তি প্রাপ্তি পূর্বক
যেরূপ সুখসম্পত্তি সম্ভোগ করিতে থাকেন, সেই
দৃষ্টান্ত দর্শন করিয়া মনস্বী মনুষ্য যাত্রেই সেই
রূপ সৎকার্য সম্পাদন পূর্বক সেইরূপ সম্পত্তি
ও প্রতিপত্তি লাভের বাসনা করিয়া থাকেন,
ইহা মনুষ্যের স্বাভাবিক ধর্ম । ইহাতে যদি
সকলেই সেই গুণবান ব্যক্তির তুল্য ফল লাভ
করিতে না পারেন, তথাপি আন্তরিক যত্ন ও

উদ্দেশ্য সহকারে তাদৃশ হইতে চেষ্টা করিলে,
 অধিকাংশ কবি পাইবার সম্ভাবনা। ইহত, কোন
 কোন ব্যক্তি সেই উদ্দেশ্যপেক্ষা অধিক গুণ-
 গালী হইয়া নানা সংকার্যের অনুষ্ঠান করিয়া
 অধিকতর পুরস্কার প্রাপ্ত হইতেও পারেন।
 কলতঃ আমরা, যত গুণবান সচরিত্র ও সুশীল
 লোকের চরিত্র পাঠ করিব, ও তাঁহার বিবরণ
 শ্রবণ করিব এবং তাঁহার অনুষ্ঠিত সংকার্যের
 পর্যালোচনা করিব, ততই নানা জানোপায়ন
 ও উৎকৃষ্ট ফল লাভ করিতে পারিব। অতএব
 একজন যথার্থ ছাত্রবান্ ও গুণবানের বাল্যাবধি
 উপাখ্যান এবং তাঁহার সংকার্যের অনুষ্ঠান
 আদ্যোপান্ত বর্ণন করা যাইতেছে। পাঠ
 করিলে অবশ্যই উপকার দর্শিতে পারিবে।

উৎকর্ষবিধান

উপাখ্যান ।

বঙ্গদেশের মধ্যে শোভন নামে একটি গ্রাম আছে । গ্রামের নাম শ্রবণ করিয়া মনোমধ্যে যে প্রকার আনন্দ উৎপন্ন হয়, উহার অবস্থা বিষয় অবগত হইলেও তদপেক্ষা অধিকতর আনন্দ জন্মিতে পারে । এ গ্রামটা দীর্ঘে এক ক্রোশ ও প্রস্থে অর্ধ ক্রোশ ব্যাপ্ত । তথায় প্রায় পাঁচশত গৃহস্থের বাস আছে । সকলেরই প্রশস্ত আবাসস্থান, স্থানের অস্পৃশ্য-নিবন্ধন কষ্ট প্রায় কাহারও নাই । ভদ্রলোক যাত্ৰেরই ভদ্রাসনের সান্নিধ্যে এক একটি উদ্যান ও জলাশয় আছে । গ্রামের দক্ষিণ ভাগে একটি নির্মলনীরা নদী বহমান থাকিতে লোক জনের গমনাগমনের এবং নানাবিধ দ্রব্য নয়নানয়নের বিলম্বন সুবিধা আছে । গ্রামের মধ্যে মধ্যে উত্তম উত্তম আপন ও বিপণি থাকিতে খাদ্যদ্রব্যাদি ও আর আর আবশ্যিক দ্রব্যের কিছুই অভাব নাই ।

উৎকর্ষবিধান ।

এ দেশের জল বায়ুর গুণে লোকের অস্বাস্থ্য বা রোগের প্রচার অতি বিরল । গ্রামের তাবৎ লোকেরই প্রায় এক এক প্রকার অবধারিত বৃত্তি আছে, তাহাতে অল্প বয়সের জন্য ক্লেশ ভোগ কাহাকেও করিতে হয় না । তথায় আধিকাংশই মধ্যমিত্ত লোকের বাস ; কেহ বাণিজ্য, কেহ শিল্পকর্ম, কেহবা কৃষিকর্ম অবলম্বন করিয়া অনায়াসে সংসার-যাত্রা নির্বাহ করে । এ গ্রামে তন্তুবার, তৈলকার, কুন্তুকার, দাপিত, রজক প্রভৃতি গৃহস্থায়ের উপযোগী তাবৎ জাতিরই বাস আছে । গ্রামের প্রান্ত ভাগে কতগুলি হীনজাতীয় লোক বাস করে । তাহাদের কোন সংস্থান না থাকিলেও, নিজ নিজ সংসার নির্বাহের নিমিত্ত কোন কুৎসিত বৃত্তির অনুবর্তী হইতে হয় না, অথচ বিশেষ ক্লেশ পাইতেও হয় না । তাহারাই গ্রামস্থ ভদ্র গৃহস্থের গৃহনির্মাণ, শিল্পকর্ম, দ্রব্যাদিবহন ও কৃষিকর্ম প্রভৃতি নানা প্রকার আবশ্যিক ব্যাপার সম্পন্ন করিয়া, তাহার বেতন দ্বারা অনায়াসে আপন আপন ভরণ পোষণ সাধন করে । তথাকার ভূস্বামী ভিন্ন

সাতিশয় সম্পত্তি-সম্পন্ন ব্যক্তি গ্রামে কেহই নাই, তাহাতে পরম্পর দর্শা মৎসর প্রভৃতি সমাজের ক্লেশকর দোষ সকল উৎপন্ন হইতেই পারে না, সুতরাং সুখ সচ্ছন্দে বাস করিবার পক্ষে এ গ্রাম অতি উৎকৃষ্ট বলিতে হইবে। শোভন গ্রামের এরূপ অবস্থা মনে করিয়া আয়োজিত না হইলে, এমন মনস্বী মনুষ্যই অপ্রসিদ্ধ।

শোভন গ্রামের ভূস্বামী সর্ব্বাংশেই উত্তম লোক ছিলেন। তাঁহার আধিকার মধ্যে প্রজা-বর্গের কোন ক্লেশ ছিল না। সকলেই স্বচ্ছন্দ পূর্ব্বক আপন আপন কৰ্ম্ম নিৰ্ব্বাহ করিয়া রীতিমত রাজস্ব প্রদান করিত। রাজাও, তাহারা কিসে সুখে থাকে, সাতিশয় মনোযোগ পূর্ব্বক সর্ব্বদা তাহার তত্ত্বাবধান, ও সন্তান-নিৰ্ব্বিশেষে তাহাদের প্রতি স্নেহ বিধান করিতেন। তাঁহার শাসন বলে সে অঞ্চলে দস্যুভয় মাত্র ছিল না, তাহাতে সকলেই নির্ভয়চিত্তে নিজ নিজ সম্পত্তি লইয়া নিশ্চিন্ত হইয়া সুখ সচ্ছন্দে বাস করিত। তাহাতে কোন রাজা সম্পর্কিত লোক প্রজাগণকে নিষ্পীড়ন না করে

এবং গ্রামস্থ কোন ধূর্ত ব্যক্তি কাহার প্রতি কোন অত্যাচার করিতে না পারে, এসকল বিষয়ে তিনি সর্বতোভাবে সাবধান থাকিতেন । কেহ কোন ক্রেশের বিষয় বিজ্ঞাপন করিলে তৎক্ষণাৎ তাহার সেই ক্রেশের উপশমের উপায় বিধান করিয়া দিতেন । তাঁহার অধীনে যে সমস্ত গ্রাম ছিল সর্বত্রই তিনি অতি প্রশস্ত পথ সকল ও সাধারণের উপভোগার্থ বিস্তৃত জলাশয় সমস্ত প্রস্তুত করিয়া দিয়াছিলেন, এবং মধ্যে মধ্যে তাহার সংস্কার করিয়া দিতেন ; তাহাতে প্রজাগণের যাতায়াত-ঘটিত ক্রেশের লেশ মাত্রও ছিল না । তাঁহার অধিকারস্থ যাবতীয় গৃহশেহর প্রতি এরূপ অনুমতি দিয়াছিলেন যে, সকলেই আপন আপন ভদ্রাসন, যেক্রমে পারুক, পরিপাটী রূপে পরিষ্কৃত করিয়া রাখিবে এবং তাহাতে যথাসাধ্য ও যথাযোগ্য বৃক্ষাদি রোপণ করিয়া ফল লাভ করিবে । এইরূপ করিতে সেই সকল গ্রামের কি অপূর্ব শোভা হইয়াছিল, এবং রোগ পীড়াদি নিবারণের কি আশ্চর্য উপায় ঘটিয়াছিল, পাঠকগণ মনে করিয়া দেখুন । আর

এই ভূস্বামীর বিদ্যানুশীলন বিষয়ে বিলক্ষণ অনুরাগ ছিল, যাহাতে দেশে বিদ্যার বিশেষ উন্নতি হয় তাহিষয়ে সর্বদা যত্ন করিতেছেন। ফলতঃ দেশের রাঢ় হইয়া যাহা করিতে হয়, শোভন-রাজের সে সমস্ত কর্তব্য কর্মের কিছুমাত্র ত্রুটি ছিল না।

এই শোভন গ্রামে কুপারাম ও লয়ারাম নামে দুই মহোদর ভ্রাতৃগণ বাস করিতেন। কুপারাম প্রথম অবস্থায় কিছুকাল বিদ্যালোচনা করিয়াছিলেন, কিন্তু অল্পকাল মধ্যেই সংসার-ভারগ্রস্ত হওয়াতে, কি উপায়ে পবিবারের সুরণ পোষণ হইবে এই ভাবনাই তাঁহার বল-বতী হইয়া উঠিল। সুতরাং বিদ্যানুশীলনের অনেক ব্যাঘাত উপস্থিত হইল। পৈতৃক কয়েক বিঘা ভ্রাতৃ ভূমি ব্যতিরিক্ত, কুপারামের আর কোন সম্পত্তি ছিল না। তিনি তাহা অবলম্বন করিয়া জীবিকা নির্বাহ করিতে প্রবৃত্ত হইলেন। তাঁহার উৎসাহ ও পরিশ্রমের স্তরে অল্প দিনের মধ্যেই কৃতকৃত্য হইয়া উঠিলেন। তিনি

বাল্যকালাবধিই কৃষিকর্মের বিষয় উত্তম বুঝিতে পারিতেন। প্রতিবৎসর ঐ ভূমিতে নানাবিধ ধান্য ও কলাগাদি উৎপন্ন করিয়া সংবৎসরের আহারোপযোগী তণ্ডুল ও দ্বিদলাদির সংস্থান করিয়া রাখিতেন। আর কতগুলি বসতি-স্থান। সংলগ্ন ভূমিতে সর্ময়ানুসারে পটোল বাঁভাকু আলু মূলক প্রভৃতি নানাবিধ ফল মূল রোপণ করিয়াছিলেন; তদ্বারা প্রতিদিনের ব্যঞ্জনের বিলক্ষণ আয়োজন হইত। এতস্তিন্ন একটা উদ্যান প্রস্তুত করিয়াছিলেন, তাহাতে নারিকেল গুবাক ও আম প্রভৃতি অতি আবশ্যিক ফল সকল জন্মিত। এই সমস্ত প্রস্তুত করিতে কৃপারামের অধিক ব্যয় হইত না, তিনি অতিশয় পরিশ্রমী ছিলেন, স্বহস্তেই প্রায় অধিকাংশ উৎপন্ন করিতেন, মধ্যে মধ্যে কিঞ্চিৎ কিঞ্চিৎ ব্যয় করিয়া অন্য লোকের সাহায্য গ্রহণ করিতেন। এবং নিজ ভবনের পার্শ্ববর্তী স্থানে যে সকল বৃক্ষাদি জন্মিত তাহাতে তাঁহার ব্রাহ্মণীও জল সেচনাদি দ্বারা অনেক সহায়তা করিতেন। এইরূপে কৃপারাম বিবেচনা-পূর্বক

পরিশ্রম করিয়া সংসার নির্বাহের এমত সুবিধা করিয়াছিলেন যে তাঁহাকে প্রতিদিনের খাদ্য সামগ্রীর আয়োজনের জন্য আপগে যাইবার আয়োজন প্রায় হইত না, আপনি ভবনেই সমস্ত বস্তু প্রাপ্ত হইতেন। ইহাতে তিনি একজন সামান্য গৃহস্থ হইয়াও যেমন উত্তম ~~৩~~ যেমন অভিনব সুরঙ্গ বস্তু ভক্ষণ করিতেন, অতি ধনাঢ্য ব্যক্তি যথেষ্ট ধন ব্যয় করিয়াও তাঁদৃশ উপাদেয় ভক্ষ্য বস্তু প্রাপ্ত হইতে পারেন না।

রূপারান কৃষি-ব্যাপারে সর্বদা এই প্রকার ব্যাপৃত থাকিতেন, কিন্তু সংসারের সার্বকর্ম দয়া-ধর্ম পরিত্যাগ করেন নাই। তিনি এমনি দয়াস্বভাব ছিলেন যে, কোন ব্যক্তির দুঃখ দর্শন করিলে তাঁহার মনে সাতিশয় দুঃখোদয় হইত। এবং তাঁহার সেই দুঃখ মোচন না হইত তাবৎ তিনি কোন রূপেই নিশ্চিন্ত বা স্থির থাকিতে পারিতেন না। যথাসাধ্য চেষ্টা করিয়া স্বস্তি পরতঃ যেভাবে হউক তাঁহার দুঃখ দূর করিতেন। কেহ কোন বিপদে পড়িত হইলে রূপারান তাঁহার উদ্ধারার্থ সম্পূর্ণ চেষ্টা করিতেন।

কারিক পরিশ্রম বা যথামাধ্য অর্থব্যয়, যাহা আবশ্যিক হইত তাহা করিতে তিনি কোন মতেই বিরত হইতেন না। যমুঘোর কথা কি কাঁহব, রূপারাম পশু পক্ষী প্রভৃতির ক্লেশ দেখিলেও স্নাত্মক্লেশবৎ অনুভব করিয়া তাহার প্রতিবিধান করিতেন। রূপারামের এইরূপ স্বভাবসিদ্ধ আতিপ্রসিদ্ধ গুণ থাকাতে প্রতিবাসী ও গ্রামবাসী তাবৎ লোকেই তাঁহার প্রতি যথেষ্ট স্নেহ করিতেন, এবং তাঁহার ভার্য্যা ও ভ্রাতা প্রভৃতি পরিবারবর্গ তাঁহাকে দেবতাবৎ মান্য করিত। তাঁহার মতানুসারে চলিতেন।

রূপারামের কনিষ্ঠ ভ্রাতা দয়ারণ বিদ্যালয়ে নিয়মিত রূপে বিদ্যাভ্যাস করিয়াছিলেন, কিন্তু সহায় সম্পত্তির অভাবে উপযুক্ত রূপ পুরস্কার প্রাপ্ত হইতে পারেন নাই। তিনি শোভন গ্রামের রাজধামে যৎসামান্য কর্ম্ম নির্ব্বহনে নিযুক্ত হইয়াছিলেন। তাহাতে মাসিক দশটা মুদ্রা মাত্র বেতন পাইতেন। যাহা পাইতেন সমস্তই জ্যেষ্ঠ ভ্রাতার হস্তে সমর্পণ করিতেন। রূপারণ সেই দশ মুদ্রা অকলঙ্ক করিয়া কৃষি-

কর্মের অনেক সুবিধা করিয়াছিলেন। তিনি কনিষ্ঠ ভ্রাতাকে এইরূপ অনুগত ও মতস্থ দেখিয়া তাঁহাকে মাতিশয় স্নেহ করিতেন। এবং রূপারামের গৃহিণী প্রিয়দেবর দয়ারামের পত্নীকে অতি যত্নে প্রতিপালন ও তাঁহার প্রতি সর্বদা সন্তান প্রকাশ করিতেন। দয়ারামের দেয়িতা তাঁহার প্রিয় সন্তান ও স্নেহ বিতরণে নিতান্ত বশতাপন্ন হইয়া যানের সন্তোষে তাঁহার আদেশানুযায়িক সমস্ত কর্ম সম্পন্ন করিতেন। রক্ষন ব্যাপারের ভার তাঁহার প্রতিই অর্পিত ছিল, গৃহিণী কেবল রক্ষনের আয়োজন করিয়া দিতেন। রূপারাম এইরূপ বশবর্তী পরিবারের কর্তা হইয়া পরম সুখে কাল যাপন করেন।

রূপারামের যখন ত্রিশঃ বৎসর বয়ঃক্রম, তখন একটা সন্তান জন্মিল। সন্তানের মন মুখচন্দ্র দর্শন করিয়া রূপারাম একরাতে অসীম আনন্দনীরে নিমগ্ন হইলেন। তাঁহার গৃহিণী তাদৃশ সুসন্তান প্রসব করিয়া, প্রসব-যন্ত্রণাকে বিন্দুমাত্র যন্ত্রণা বোধ করিলেন না। দয়ারামের আছাদের আর সীমা নাই। এই-

রূপ পরমানন্দে চারি পাঁচ দিন অতীত হইল ।
ষষ্ঠ দিবসে সন্তানের মঙ্গলাচরণের আয়োজন
করিলেন । রূপারামের ভবনে ধান্য তণ্ডুলাদি
লক্ষ্মীদেবের কিছুই অভাব নাই, তিনি তাহা
যথেষ্ট ভজন করাইয়া ঠেখ মুড়কি মুড়ি প্রভৃতি
গ্রাম্য ভোজ্য বস্তু প্রস্তুত করিয়া প্রতিবেশ-
বাসিনী পুরস্কীদিগকে নিমন্ত্রণ করিলেন । তাঁহার
সকলে আসিয়া পরমাঙ্কাদে সেই সকল ভোজ্য
গ্রহণপূর্বক রূপারামতনয়কে আশীর্বাদ করিতে
লাগিলেন । আত্মীয় অন্তরঙ্গ যে যেখানে ছিল
তাঁহার পুরোজন্ম শ্রবণ করিয়া সকলেই কুশল
প্রার্থনা করিতে লাগিল । গৃহস্থের গৃহে বালক
নাথাকিলে কিছুই শোভা হয় না । রূপারাম-
তনয় দিনে দিনে কিঞ্চিৎ কিঞ্চিৎ বর্দ্ধমান হইয়া
তাঁহার গৃহের অপূর্ণ শোভা সম্পাদন করিতে
লাগিল ।

বালকটির মুখের আকার এমনি মধুর ও অঙ্গ-
সার্থক এমনি সুমিষ্ট, কি অন্তরঙ্গ কি বহিঃস্থ
কর্তৃমান, যে দেখে সেই একবারে আপ্যা-
রত হইয়া স্নেহরসে অভিভূত হয়, পিতা

মাতার ত কথাই নাই। শিশুটির মুখখানি
 অবিরত স্বভাবতই সহাস্য রহিয়াছে। নয়ম-
 ছয় এমনি প্রিয়দর্শন যে যতবার দর্শন করা যায়,
 তৃপ্তির আর শেষ হয় না। বালককে বক্ষঃস্থলে
 লইলে একটি অমৃতপিণ্ডের ন্যায় বোধ হইতে
 থাকে। ঐ বালকণী যখন পিতা মাতাকে
 অর্দ্বোচ্ছরিত মধুর বাক্যে সম্বোধন করিয়া মুখ-
 ভঙ্গীদ্বারা মনের আভিলাষ প্রকাশ করে, পিতা
 মাতা তাহার সেই অপূর্ব ভাব দেখিয়া কতই
 আনন্দ অনুভব করিতে থাকেন। শিশুটি হুই
 হাড তুলিয়া মনের আনন্দে নৃত্য করে, নানা-
 প্রকার ক্রীড়া কৌতুক করে, পিতা মাতা দেখিয়া
 একবারে আনন্দ হইয়া যান। এইরূপে, পুত্র
 লইয়া পরমানন্দে দিন গড় হইতে লাগিল।
 কুপারায় সমুচিত সময়ে সম্ভ্রানটীর সমুদায়
 সংস্কার বিধি স্বধাবিধি নির্বাহ করিলেন। নাম
 রাখিলেন “দীনবন্ধু।” আপনি যেমন দয়ালু
 পরিপূর্ণ ছিলেন পুত্রের নামটি সম্পূর্ণরূপে
 তদনুরূপই হইল।

দীনবন্ধুর বয়ঃক্রম বৃদ্ধি অনুসারে আত্মীয়

পরিচয় ক্রমশঃ অধিক হইতে লাগিল । প্রথমতঃ
 মাতা পশ্চাৎ পিতা পিতৃব্য ও পিতৃব্যপত্নীকে
 আপন আত্মীর বলিয়া জানিতে পারিলেন ।
 অন্তর অন্যান্য অন্তরঙ্গ ও নিতান্ত ঘনিষ্ঠ
 প্রতিবাসীদিগকে ক্রমে ক্রমে অবগত হইতে
 লাগিলেন । যিনি যৎপরিমাণে স্নেহ ও আদর
 করেন, দীনবন্ধু তদনুসারে তাঁহার অনুগত ও
 বাহ্য হইয়া উঠিলেন । এবং যিনি যিনি দীন-
 বন্ধুকে একবার সন্দর্শন করিয়া সপ্রণয় সন্তোষ
 করেন, দীনবন্ধু তাঁহাদের নিকট অকপট প্রীতি-
 প্রকাশপূর্বক ক্ষুদ্র ক্ষুদ্র সুখধুর বাক্য বিন্যাস
 করিতে থাকেন । তাহা শ্রবণ করিয়া তাঁহাদের
 প্রাণেশ্বরে অসুতসেকের ন্যায় প্রতীতি হইতে
 থাকে । সকলে সযত্ন হইয়া দীনবন্ধুর মধুর বচন
 শুনিবার নিমিত্ত নানা প্রকার প্রস্তু করিয়া তাহার
 বাক্যশক্তির উত্তেজনা করিয়া দেন । এইরূপে
 দীনবন্ধুকে লইয়া তাবৎ প্রতিবাসীদিগের পরম
 স্নেহে কালাতিপাত হইতে লাগিল ।

দীনবন্ধু দিন দিন যত বর্দ্ধমান হইতে থাকি-
 লেন ততই তাঁহার সুলক্ষণ সকল লক্ষিত হইতে

লাগিল। বালকদিগের স্বভাবতঃ সর্বদাই
 পীড়া হইয়া থাকে, এবং তাহার উপশম জন্য,
 অশেষপ্রকার আয়াম স্বীকার, বিশেষতঃ গিতা
 মাতার যথেষ্ট কষ্ট-ভোগ করিতে হয়। কিন্তু
 দীনবন্ধুর শরীরের এমনি আশ্চর্য স্বাস্থ্য, যে
 রোগ পীড়া প্রায়ই ছিল না, এবং তজ্জন্য পিতা
 মাতার কোন কষ্টই পাইতে হয় নাই। কখনো
 কিঞ্চিৎ পীড়ার উপক্রম হইলে স্বাস্থ্যের গুণে
 আপনা আপনি তাহার উপশম হইয়া যাইত।

সন্তানের স্বাস্থ্যবৃদ্ধি পিতামাতার অল্প
 পুণ্যের ফল নহে। একটা সন্তান ব্রীতিমত
 লালন পালন করিয়া মানুষ করিতে হইলে, পিতা
 মাতার, বিশেষতঃ মাতার যে কত ক্লেশ পাইতে
 হয় তাহা সন্তানের জননীরাই জাণিতে পারেন।
 সন্তানটির কিমে মজল হইবে, কিমে সে কষ্ট-
 পুষ্ট হইতে থাকিবে, এবং কিমে তাহার উত্তম
 রূপ সুপথ্য আহার চলিবে, জননী সর্বতোভাবে
 সর্বদা তাহার যত্ন করিয়া থাকেন। পুত্র
 কন্যা ত্রি-নেত্রের অগোচর হইলে তাহাদের
 জননীর হৃদয় মাতিশয় ব্যাকুল হইয়া উঠে।

পীড়াদি কারণে সন্তানের ষা তনা হইতে লাগিলে, দিবারাত্র কেবল ক্রোড়-পাত্রে রাখিয়া যাপন করেন। জননী মনে করেন যদি এই সকল বাঁতনা আবার শরীরে হইয়া সন্তানটা সুস্থ হয় তাহা হইলে আমি এক্ষণেই প্রস্তুত আছি। যাবৎ সন্তানের রোগশান্তি না হয় ডাবৎ তিনি, কি দিবা কি রজনী, আহার নিদ্রায় অনাস্থা করিয়া কেবল সন্তানের স্বাস্থ্য কামনাই করিতে থাকেন। ফলতঃ জগদীশ্বর যদি জন-নীকে এরূপ প্রকৃতি প্রদান না করিতেন তাহা হইলে আর জগতে একটা শিশুও জীবিত থাকিতে পারিত না। কিন্তু মূলফণাক্রান্ত দীন-বন্ধুর জননীকে, দীনবন্ধুর স্থিরতর স্বাস্থ্যের গুণে এরূপ কষ্ট কিছুই পাইতে হয় নাই।

দীনবন্ধুর বয়ঃক্রম ক্রমে দুই বৎসর হইল। এই অল্পকালমধ্যেই তিনি নানা পদার্থ চিনিতে লাগিলেন, ও নানা বিষয় বুঝিতে লাগিলেন। সম্মুখে নূতন পদার্থ দেখিলেই, যে কেহ আশ্রয় নিব্বটে থাকেন তাহাকে সম্বোধন করিয়া সেই পদার্থের নামাদি জিজ্ঞাসা করিতে থাকেন;

অনন্তর তিনি তাহার নাম ও গুণের পরিচয়
 প্রদান করিলে, পরম পরিচেষ্ট প্রকাশ করেন
 এবং সেই অভিনব পদার্থ তিনি এমন মনে
 করিয়া রাখেন যে অন্য কোন সময়ে সেই বস্তু
 দেখিলেই বারবার তাহার নাম উচ্চারণ করিয়া,
 আপন স্মরণ-শক্তি সপ্রমাণ করিতে থাকেন।
 দীনবন্ধুর পিতামাতা একবার যাচাই করিতে বারণ
 করেন, তিনি তাহা আর কোন মতেই করেন না।
 বালকস্বভাব বশতঃ ত্রাস্তিক্রমে পুনরায় তাদৃশ
 কর্ম করিলে, পিতামাতা বা পিতৃবা যখন তদুপ-
 লক্ষে উপদেশ দেন, তখন তিনি অধোবদন হইয়া
 স্তম্ভিত মনে লজ্জিতভাবে তাহা শ্রবণ করেন
 এবং এমন দৃঢ়রূপে সেই উপদেশ গুলি মনে
 করিয়া রাখেন যে আর কখন তাহার তাদৃশ
 ত্রাস্তি উপস্থিত হয় না। পিতা মাতা পিতৃবা
 এবং অন্যান্য আত্মীয়গণ এই বশতাপন্ন দীনবন্ধুর
 এইরূপ মেধাশক্তি এ বাধ্যতা-প্রকৃতি দেখিয়া
 বিস্ময়াপন্ন হইতে লাগিলেন।

অতিশৈশব কালে বালকদিগের খাদ্যাধিকার
 বিবেচনা কিছুই থাকে না, এবং কিসে অনিষ্ট

হইবে কিম্বেই বা অভীষ্টলাভ হইবে তাহারও
 বোধ থাকে না । প্রথমে অপথ্য ও অভক্ষ্য বস্তু
 ভক্ষণ করিয়া প্রায় সকল বালকেই নানাপ্রকার
 ক্রোশ পাইয়া থাকে, এবং অগ্নিতে হস্তক্ষেপ
 ও মূর্খ রশ্মিকাদি ধারণ প্রভৃতি নানা অনিষ্টকর
 ব্যাপারে প্রবৃত্ত হইয়া বহুবিধ কষ্টভোগ, ও কেহ
 কেহ প্রাণপর্যন্তও পরিত্যাগ করিয়া থাকে ।
 অনেকের এরূপ করিয়া ক্রমে কিঞ্চিৎ ইষ্টানিষ্ট
 বোধ হইলে, আর তাদৃক অনিষ্টকর কার্যের
 অনুষ্ঠানে প্রবৃত্ত হয় না, এবং আর তাদৃক
 অভক্ষ্য বস্তুও ভক্ষণ করে না । কিন্তু দীনবন্ধুর
 এরূপ ক্রোশকর ঘটনা প্রায়ই ঘটে নাই । তাঁ-
 হাকে একবার যে বিষয় অনিষ্টকর বলিয়া বিবরণ
 পূর্বেক নিবারণ করা যাইত, তিনি তাহাতে এক-
 বারো প্রবৃত্ত হইতেন না ; যেন প্রাকৃতন সংস্কার
 সকল তাঁহার মনে উদ্ভূত হইয়া তাঁহাকে অনিষ্ট-
 কর ব্যাপারে প্রবৃত্ত হইতে বাধা বিধান করিত ।
 কথাতঃ দীনবন্ধুর এতাদৃক অলৌকিক তীক্ষ্ণ বুদ্ধি ও
 মনোশক্তি দেখিয়া সকলেই তাঁহাকে একটি অসা-
 ধারণ বালক রত্ন বলিয়া অবধারণ করিয়াছিলেন ।

সত্যনিষ্ঠা ও দৃঢ়াস্তের অনুসরণ, শিশুদিগের স্বাভাবিক ধর্ম । যাবৎ তাহাদের কল্পনা-শক্তি না জন্মে, ও যাবৎ তাহাদের বঞ্চনা-প্রবৃত্তি না উৎপন্ন হয়, তাবৎ তাহাদের সত্য ব্যতিরিক্ত মিথ্যা বিষয়ের অনুভবই হয় না । এবং শিশুরা সর্বদা যাহা দর্শন ও শ্রবণ করে, স্বভাবতঃ সেই উদাহরণেরই অনুসরণ করিয়া থাকে । দীনবন্ধুর পিতা মাতা কখন মিথ্যা ব্যবহার করিতেন না, এবং কাহাকে কখন বঞ্চনা করিবার কল্পনাও করিতেন না ; সুতরাং দীনবন্ধুও মিথ্যা বা বঞ্চনা কাহাকে বলে জানিতেও পারিলেন না । তাহার বুদ্ধিবলে অল্পকালেই কল্পনা-শক্তি জন্মিতে লাগিল, কিন্তু সতত সৎকল্পনাই করিতে প্রবৃত্ত হইলেন । দীনবন্ধুর স্বভাবটি অতিনির্মল ও যথার্থ সরল ছিল । কোন বিষয়ে তাহার অপরাধ ঘটিলে, তিনি জিজ্ঞাসা মাত্রেই সমস্তচিত্তে আপন দোষ আপনি প্রকাশ করিতেন, সুতরাং পিতা মাতা সে দোষের আদর্শ বিধান কিরূপে করিবেন, যাহাতে পুনরায় আর তাদৃশ দোষ না জন্মে তাহারই উপদেশ ।

প্রদান করিতেন। দীনবন্ধুর পক্ষে পিতা মাতার সেই উপদেশই গুরুদণ্ড স্বরূপ হইত। তিনি আর কোনরূপেই ত্রাদৃশ দোষে দূষিত হইতেন না। দীনবন্ধুর এপ্রকার সত্যপরতা ও সরল-চিত্ততা অবলোকনে, পরিবারগণ ও আর আর প্রতিবাদী তাবতেই পরম পরিতুষ্ট হইতে লাগিলেন।

দীনবন্ধুর তিন চারি বৎসর বয়ঃক্রম হইল, ক্রমে তাঁহার সুশীলতা ও বিনয়শালিতা গুণ প্রকাশ পাইতে লাগিল। তিনি যে কোন ব্যক্তির সঙ্গে বাক্যান্বাপ করেন যোগ্যানুসারে তুমি ও আপনি ভিন্ন কখন তুই বাক্য মুখে আনেন না। যে ব্যক্তি সর্বপ্রকারে আপন অপেক্ষা শ্রেষ্ঠ ও জ্যেষ্ঠ, তাঁহাকে আপনি মহাশয় ইত্যাদি সম্মান-সূচক সম্বোধন, ও যে ব্যক্তি আপন অপেক্ষা নিকৃষ্ট বা কনিষ্ঠ, তাহাকে তুমি বলিয়া সম্বোধন করিয়া, অতি মৃষ্ট ভাবে আলাপ পরিচয় করেন। যদি কোন ব্যক্তি কোন প্রয়োজনে রূপারামের ঘরনে আগমন করেন, আর তৎকালে রূপারাম বাটী না থাকিতে

তাঁহার পুত্র দীনবন্ধুর নিকট তাঁহার বহির্গমনাদি
 বিবরণ শ্রবণ করিতে হয়, তাহা হইলে তাঁহাকে
 ও দীনবন্ধুর সর্বনয় বাক্য-প্রবন্ধে নিতান্ত মনুষ্য
 কি পাতিশয় বিস্ময়াবিষ্ট অবশ্যই হইতে হয়।
 সময়েই রচিত কি অপরিচিত, সকল লোকের
 নিকট কং দীনবন্ধুর সমান ভাব। তিনি কাহারও
 না। তাঁর উচ্চ বা রূঢ় বাক্য প্রয়োগ করিতে
 নয় ব্যবহারশি বালকের সূক্ষ্ম সুশীলতা ও সবি-
 প্রশংসা না দেখিয়া কোন ব্যক্তি আত্মাদপূর্বক
 বালকদিগেরিয়া ক্ষান্ত থাকিতে সমর্থ হন।
 হইয়া থাকে। এর শরীর স্বভাবতঃ সর্বদাই চঞ্চল
 শক্তি না জে নিতান্ত শৈশবাবস্থায় যখন উত্থান-
 অনবরত হস্তা, তখনও কেবল শয়নে রহিয়া
 ক্রমশঃ উপপেদাদির সঞ্চালন করিতে থাকে।
 নিরন্তরই পবিশন ও গমনাগমনের শক্তি হইলে
 সঞ্চরণ করিতে রচিত বাস-ভবনের মধ্যে ইতস্ততঃ
 প্রয়োজন ত আরম্ভ করে। বাস্তবিক কোন
 কার্যে ব্যা না থাকিলেও, যেন সর্বদা নানা
 স্থান হইপ্ত থাকিয়া, গৃহসামগ্রী সমস্ত এক-
 ত্রে উঠাইয়া স্থানান্তরে স্থাপিত করে।

পিতা মাতা বা কোন আত্মীয় ব্যক্তি, নিকটস্থ কোন বস্তু আনয়ন করিতে কহিলে, তৎক্ষণাৎ আত্মাদপূর্বক তাহাতে প্রবৃত্ত হয়, এবং শক্তি অনুসারে কোন কোন কার্য সম্পন্নও করিয়া থাকে । সেই আত্মা পালন করিতে তাহাদের এমনি অনুরাগ জন্মে যে, আর কোন ব্যক্তি তাহা করিতে প্রবৃত্ত হইলে তাহার প্রতি অত্যন্ত বিবর্ত হইয়া উঠে । ফলতঃ অসুস্থ না হইলে বালকেরা কদাপি আনন্দের বশীভূত হয় না । তাহারা প্রকৃতিপ্রযুক্ত হইয়াই শারীরিক পরিশ্রমে নিয়ত নিযুক্ত থাকে । বালকবর্গের এইরূপ স্বভাব সর্বদা পরমেশ্বরের প্রভাবের সাক্ষ্য প্রদান করিতেছে । কারণ, কায়িক পরিশ্রম ব্যতিরেকে কোন রূপেই ভক্ষিত বস্তুর বিলক্ষণ পুষ্টিপাক হয় না, রস রক্তাদি শরীরস্থ ধাতুও পরিষ্কৃত হয় না । বালকগণের এরূপ জ্ঞান না থাকিলেও তাহারা স্বেচ্ছাপ্রেরিত হইয়াই পরিশ্রম-পরায়ণ হইয়া থাকে । এই নিমিত্ত বাল্যকালে কেবল পরিশ্রমের বলে শীঘ্র শীঘ্র কলেবর বর্দ্ধিত হইয়া উঠে । ভাগ্যক্রমে যদি রোগ পীড়া না

হয় তাহা হইলে বাল্যাবস্থায় যে রূপ শরীরের সুস্থতা প্রকাশ পায়, চিরজীবনের মধ্যে আর তাদৃশ সুস্থতা দৃষ্ট হইবার সম্ভাবনা নাই । কিন্তু যৌবনাদি কালেও নিয়মিতরূপে পরিশ্রম করিতে পারিলে অনেকাংশে স্বাস্থ্য-সুখ ভোগ করি যাঁহিতে পারে সন্দেহ নাই ।

দীনবন্ধুর রোগ পীড়া ছিল না, সুতরাং সম্পূর্ণ সুস্থ থাকিয়া আলস্য পরিত্যাগ পূর্বক সর্বদা পরিশ্রম-ব্যাপারে প্রবৃত্ত থাকিতেন । পিতা মাতা যাহা করিতে বলিতেন তৎক্ষণাৎ তাহা নন্তোষপূর্বক সম্পাদন করিতেন । তাঁহার মাতা যখন নিজ ভদ্রাসনের উদ্যানস্থ ক্ষুদ্র ক্ষুদ্র বৃক্ষে জলনেচন করিতেন তখন দীনবন্ধু তাঁহার সম্ভি-ব্যাহারে থাকিয়া অনেক সাহায্য করিতেন । পিতা তাঁহাকে রৌদ্রের সময় গৃহের বাহির হইতে বারণ করিয়াছিলেন, অতএব তৎকালে গৃহমধ্যে থাকিয়া গৃহসামগ্ৰী সমস্ত সুশুদ্ধল করিয়া রাখিতেন, এবং পিতা মাতার উপদেশ বাক্য শ্রবণ করিয়া নানা নূতন বিষয় শিক্ষা করিতেন । প্রাতঃকালে ও সায়ংকালে যখন রৌদ্রের উত্তাপ

অধিক না থাকিত তখন দীনবন্ধু বালকস্বভাব-
 সুলভ চপলতা বশতঃ বাহিরে যাইয়া প্রতিবাসী
 বৃহস্পতি বালকদিগের সহিত ইতস্ততো ধাৰন
 প্রভৃতি শিশু-সামান্য ক্রীড়া করিতেন। এই
 ক্রীড়া ক্রীড়া করিতে তাহার সঙ্গী বালকদিগের
 শরীর গুণি অতি উত্তম সুস্থাবস্থা প্রাপ্ত হইয়া-
 ছিল। ক্রীড়াকালে বালকে বালকে কোন
 কথাচ্ছলে বা ব্যবহার-বিরোধে বিবাদ কলহ
 উপস্থিত হইলে দীনবন্ধু তাহার মধ্যস্থ হইয়া
 তাহাদের পরস্পরের বিবাদ নিষ্পত্তি করিয়া
 দিতেন। দীনবন্ধুকে সকলে এমনি ভালবাসিত
 ও মনে মনে মান্য করিত যে তাহার নিষ্পত্তির
 উপর আর কেহ কোন আপত্তি করিত না।
 বালকেরা যে সকল ক্রীড়া করিত তন্মধ্যে যিখা
 বা বঞ্চনার প্রসঙ্গও থাকিত না। সাহারা
 বঞ্চক বা মিথ্যাবাদী বালক, তাহাদের সহিত
 দীনবন্ধুর কোন মতেই মিল হইত না। দীনবন্ধুর
 সঙ্গী বালকেরা কেহই দুৰ্ঘ বা অশান্ত ছিল না,
 তাহারা কাহারও কোন অনিষ্ট করিত না। কেহ
 কোন অনিষ্টজনক কার্যের প্রস্তাব করিলে দীন-

বন্ধু তৎক্ষণাৎ তাহার নিন্দা করিয়া নান্যপ্রকার
 দোষ প্রদর্শন পূর্বক নিবারণ করিতেন ।
 সুতরাং আর আর বালকেরা যেনন গৃহস্থের
 অনিষ্ট করিয়া তিরস্কার ও অপমান ভাজন হইত
 দীনবন্ধুর সমভিব্যাহারী কোন বালকই কখন
 সেরূপ তিরস্কারের ভাগী হয় নাই । দীনবন্ধুর
 এই প্রকার অসাধারণ গুণ দেখিয়া প্রতিবাসিগণ
 আপন আপন সম্মানদিগকে দীনবন্ধুর সঙ্গী
 হইতে সতত অনুরোধ করিতেন । তাঁহার
 গমন করিতেন দীনবন্ধুর সহিত বন্ধুত্ব হইলে
 পুত্রের আর কোন দোষস্পর্শ হইবার সম্ভাবনা
 নাই ।

খানা ।

রূপারামের কনিষ্ঠ ভ্রাতা দয়ারাম, ভ্রাতুষ্পুত্র
 দীনবন্ধুকে সমভিব্যাহারে করিয়া, মধ্যে মধ্যে
 দিনাদি ও দিনান্ত সময়ে গ্রামের প্রান্তভাগে
 ভ্রমণ করিবধর নিমিত্ত বাহির হইতেন । বালক

দীনবন্ধু সাতিশয় উৎসুক হইয়া পিতৃব্যের সঙ্গে সঙ্গে নানারাজ্য পদ বিক্রম পূর্বক গমন করিতেন । নূতন নূতন বস্তু দেখিলেই পিতৃব্যের নিকট তাহার বিবরণ জিজ্ঞাসা করিতেন । দয়ারাম সেই সমস্ত বস্তুর বিদয় সবিস্তর বর্ণন করিয়া তাহাকে তাহার তথ্য অবগত করাইতেন । বর্ণনকালে দীনবন্ধু আবশ্যিকমত প্রশ্ন করিয়া বিলক্ষণরূপে তাবৎ বিষয় বুঝিয়া লইতেন । তাদৃশ বালকের এতাদৃশ আশ্চর্য্য আশ্চর্য্য প্রশ্ন জিজ্ঞাসায় দয়ারাম অসীম আনন্দ অনুভব করিতেন ।

একদা দীনবন্ধু প্রভাত সময়ে গ্রামসীমায় উপস্থিত হইয়া অতি বিস্তীর্ণ ধান্যক্ষেত্র দেখিতে পাইলেন । ধান্যের স্তম্ব সকল শ্রেণীবদ্ধ হইয়া দণ্ডায়মান রহিয়াছে । প্রতিস্তুম্বে বিশ ত্রিশ গাছি ধান্যবৃক্ষ ও তাহাদের অগণ্য শাখাপল্লব একত্র জড়িত হইয়া অতি আশ্চর্য্য সৌন্দর্য্য বিস্তার করিয়াছে । ঐ সকল তৃণের গাত্র ও পত্রগুলি এমনি চিকণ ও কোমল, বোধ হয় যেন জগদীশ্বর তাহাদিগকে তৈলাক্ত করিয়া সৃষ্টি

করিয়াছেন । তাহাদের দিগ্ভ্রুণ্ডলব্যাপী প্রগাঢ়
হরিতবর্ণে সেই প্রকাণ্ড প্রান্তরের কি অনির্কচ-
নীয় শোভা জন্মিয়াছে ! তৎকালে মন্দ মন্দ বায়ু-
বহন হইতেছিল, সেই সমীরণবেগে সেই হরিত
বর্ণ প্রকাণ্ড ধান্যক্ষেত্র অতি আশ্চর্যরূপে অনব-
রত আন্দোলিত হইতেছিল ; দেখিলে বোধ
হয় যেন মহাসমুদ্রের নীলবর্ণ গভীর জলে
অতিবিশাল তরঙ্গমালা দোহলামান হইতেছে ।

ধান্যক্ষেত্রের এইরূপ অপরূপ শোভা দেখিয়া
দীনবন্ধু নিতান্ত কোতূহলাক্রান্ত হইয়া পিতৃব্যকে
তাহার বিবরণ জিজ্ঞাসা করিলেন ।

দয়ারণ, ভ্রাতৃপুত্রের এই প্রশ্নে পরমান-
ন্দিত হইয়া উত্তর করিলেন বৎস দীনবন্ধো ! এই
যে বৃহৎ ধান্যক্ষেত্র দেখিতেছ ইহাতে প্রতিবৎ-
সর রাশি রাশি ধান্য উৎপন্ন হইয়া কত দেশের
কত লোকের জীবিকা নির্বাহ হইয়া আসিতেছে ।
পৃথিবীতে এইরূপ অনেক ধান্যক্ষেত্র আছে,
তাহার ধান্য দ্বারা পৃথিবীর তাবৎ লোকের
আহারাদি চলিতেছে । এই ক্ষেত্রের মধ্যে
আমাদেরও দর্শন বিধা ভূমি আছে । তাহাতে যে

ধান্য উৎপন্ন হয় তদ্বারা আমাদের সংসার
নির্বাহ হইয়া থাকে। বৎস ! তুমি অতি শিশু,
কিছুই জান না। ধান্য উৎপন্ন হইবার আয়ুর্ন
বৃত্তান্ত তোমাকে বলিতেছি, শ্রবণ কর।

এই সকল নিম্ন ক্ষেত্রে যেমন অল্প অল্প জল
রহিয়াছে, দেখিতেছ, গ্রীষ্মকালে ইহাতে কিছুই
জল থাকে না। তখন কৃষকেরা লাঙ্গলদ্বারা
ইহাতে ঢাম দিয়া মৃত্তিকা শিথিল করিয়া রাখে।
বর্ষার প্রারম্ভেই কিঞ্চিৎ উন্নত ক্ষেত্রে, উত্তমরূপ
কর্ষণ পূর্বক উৎকৃষ্ট মৃত্তিকা প্রস্তুত করিয়া,
তাহাতে বীজধান্য বিস্তীর্ণরূপে বিক্ষেপ করে।
আদ্র মৃত্তিকা সংযোগে এই সকল ধান্যে অঙ্কুর
বহির্গত হইয়া ক্রমশঃ এক মাসের মধ্যেই প্রায়
এক হস্ত দীর্ঘ গাছ জন্মে। তখন বর্ষার প্রাচু-
র্ভাব হওয়াতে এই সকল নিম্ন ক্ষেত্রে কেদার
দ্বারা জল অবরুদ্ধ হইয়া স্থগিত হয়। কৃষকেরা
বারম্বার কর্ষণপূর্বক জলের সহিত ইহার মৃত্তিকা
বিলক্ষণ মিশ্রিত করিয়া কদম প্রস্তুত করে।
পরে সেই সকল ধান্যের গাছ সমূলে উন্মূলন
করিয়া আনিয়া, স্তবকে স্তবকে, শ্রেণীবদ্ধ করিয়া

এই ক্রমে রোপণ করিয়া দেয়। একবার উন্মূলন করিয়া পুনর্বার রোপণ করে এই নিমিত্ত ইহাকে কলম ধান্য কহা যায়। অনন্তর, এই ধান্যক্ষেত্র যেমন দেখিতেছ, ক্রমে ক্রমে এইরূপ হইয়া উঠে। আর দুই মাস পরে এই সকল বৃক্ষের মূর্ত হইতে ধান্যের শীশ্ বহির্গত হইবে। তুমি আমাদের বাটীর মধ্যে কদলীবৃক্ষ দেখিয়াছ, তাহাতে যেমন মোচা বাহির হইয়া যথেষ্ট কদলী ফল জন্মে, সেইরূপ ঐ ধান্যের শীশ্বে অসংখ্য ধান্য জন্মিবে। একটি বীজ-ধান্যে যে একটি গাছ জন্মিয়াছে তাহাতে একটি শীশ্ উদ্ভূত হইয়া সহস্র সহস্র ধান্য উৎপন্ন করিবে। ক্রমে ক্রমে বর্ষার শেষ হইয়া যখন শরৎকালের আরম্ভ হইবে, তখন এই সকল নিম্ন ভূমির জল শুষ্ক হইয়া যাইবে; এবং ধান্য সকল পক্ক হইয়া উঠিবে। এক্ষণে এই সমস্ত বৃক্ষের রূপ ঘেরূপ গভীর শ্যামবর্ণ দেখিতেছ, তখন আর এরূপ থাকিবে না, পরিণত ও পরিশুক্ক হইয়া সকলেই গৌরবর্ণ হইয়া উঠিবে। তখন এই সকল ক্ষেত্রের আর একপ্রকার অপূর্ব শোভা হইবে। দূর

তইতে দেখিলে, বোপ হইবে যেন এই প্রকাণ্ড
প্রান্তরে প্রচুর সুবর্ণ বিস্তীর্ণ হইয়া রহিয়াছে ।
ফলিতঃ রাশীকৃত সুবর্ণ পাইলে অন্তঃকরণে
যে রূপ আনন্দের উদয় হয়, এই সকল সুবর্ণবর্ণ
পরিণত মান্য দেখিয়া প্রজাগণের মনে সেইরূপ
আনন্দ অনুভব হইতে থাকিবে ।

তদনন্তর কৃষকেরা জর্ষ চিত্তে আপন আপন
ক্ষেত্রের ধান্য ছেদন করিয়া, দুই তিন দিন এই
ক্ষেত্রমধ্যেই বিস্তারিত করিয়া রাখিবে । এবং
আতপতাপে উত্তমরূপ শুষ্ক হইলে এক এক
গুচ্ছ করিয়া বন্ধন পূর্বক গৃহে লইয়া যাইবে ।
পরে অবকাশ যতে এই সকল গুচ্ছ কাষ্ঠফলকের
উপর আহত করিয়া ধান্য পৃথক করিয়া লইবে,
এবং ভূগের গুচ্ছগুলি সুপাকৃতি করিয়া এক
স্থানে স্থাপিত করিবে । বৎস দীনবন্ধো ! তুমি
যে সকল ভূগের ঘর দেখিয়াছ তাহার চাল এই
ভূগগুচ্ছে আচ্ছাদিত হইয়া থাকে । তাহাতে
ঘরের ভিতর রৌদ্র ও বৃষ্টি কিছুই পতিত হইতে
পারে না । আর গ্রামস্থ লোকের যত গরু
বাছুর আছে এই ভূগ ভক্ষণ করিয়া তাহাদের

জীবন ধারণ হয় । এই কারণে ঐ তৃণগুল্মগুলি অনেক মূল্যে বিক্রয় হইয়া থাকে । যাহার প্রয়োজন হয় মূল্য দিয়া কৃষকদের নিকট হইতে ক্রয় করিয়া লইয়া যায় । আমাদের দেশে বিস্তৃত ভূমিতে যে ধান্য ও তৃণ জন্মে তদ্বারা আমাদের ঘরগুলি আচ্ছাদিত হয়, এবং অবশিষ্ট তাহা থাকে গরুটী তাহা সংবৎসর ভক্ষণ করে । সুতরাং আমাদের আর তাহা ক্রয় করিতে হয় না ।

দীনবন্ধু জিজ্ঞাসিলেন পিতৃব্য । আপনি বলিলেন ধান্য দ্বারা সংসার নির্বাহ হয়, কিন্তু কিরূপে হয় বিস্তারিত করিয়া বলুন । দয়ারণ বলিলেন বৎস ! কৃষকগণ যে ধান্য প্রাপ্ত হয় তাহা অতি যত্নে গৃহমধ্যে মঞ্চোপরি স্থাপিত করিয়া রাখে । যতগুলি ধান্য আপন পরিবার পোষণের উপযুক্ত বিবেচনা করে তাহা রাখিয়া অতিরিক্ত ধান্য বিক্রয় করে । যাহাদের আবশ্যক হয় কৃষকদের নিকট ক্রয় করিয়া লয় । এই পৃথিবীতে কৃষক ভিন্ন অন্যান্য যাবতীয় মনুষ্য আছে সকলকেই উহা ক্রয় করিতে হয় ।

যত বড় ধনবান্ হউন না কেন, ধান্য ব্যতিরেকে
 কাহারও দিনপাত হইবার উপায়ান্তর নাই।
 বাণিজ্য ব্যবসায়ী লোকেরা কৃষকদের নিকট
 ধান্য ও তুণাদি ক্রয় করিয়া রাখে, এবং সময়া-
 হারে তাহা অন্য ব্যক্তিকে অধিক মূল্যে বিক্রয়
 করে। তাহাতে যে লাভ হয় তদ্বারা তাহা-
 দের দিন যাপন হইয়া থাকে। আমরা প্রতি-
 দিন দুই বেলা যে তণ্ডুল পাক করিয়া অন্ন ভক্ষণ
 করি তাহা ঐ ধান্য হইতে উৎপন্ন হয়। তণ্ডুল
 দুই প্রকার হইয়া থাকে, সিদ্ধ ও আতপ।
 ধান্যগুলি সিদ্ধ করিয়া শুষ্ক করণান্তর উদ্বল
 মুষল বা অন্যবিধ যন্ত্র দ্বারা তাহার ত্বকড়কড়
 বিয়োজন করিলে, সিদ্ধ তণ্ডুল প্রস্তুত হয়, এবং
 সিদ্ধ না করিয়া ঐরূপ করিলে আতপ তণ্ডুল
 প্রস্তুত হয়। এইরূপ প্রস্তুত তণ্ডুল ও বাণিজ্য
 কারীদের নিকট ক্রয় করিতে পাওয়া যায়।

বৎস দীনবন্ধো! এই পৃথিবীতে বহুতর ধন-
 শান্ লোক বিস্তর আছেন। তাঁহারা অনেক
 অর্থ ব্যয় করিয়া গাড়ী ঘোড়া ও উৎকৃষ্ট পরি-
 স্কৃত প্রভৃতি সুখসাধন সামগ্রী সমস্ত উপভোগ

করিয়া থাকেন, এবং অতি উচ্চ সুরম্য হর্ম্যাতলে
বাস করিয়া নানাবিধ সুখ ভোগ করিয়া থাকেন ।
আর মধ্যবিত্ত যাবতীয় লোক অশেষ শিশুপার
নৈপুণ্য সম্পন্ন হইয়া নানা প্রকার ব্যবসায় অব-
লম্বন পূর্বক কাল যাপন করিয়া থাকেন । কিন্তু
এই কুটীরবাসী সামান্য কৃষকগণ অশ্রান্ত পরি-
শ্রম করিয়া যদি এই ধান্য-রত্ন উৎপন্ন না
করিত, তাহা হইলে এই ভূতলবাসী যাবতীয়
লোক, কি মহাবিত্ত কি মধ্যবিত্ত, কেহই জীবন
ধারণ করিতে পারিতেন না । তাহারা অসঙ্খ্য
সুবর্ণরাশি সঞ্চয় করিলেও ধান্য ব্যতিরেকে
আহারাভাবে প্রাণ পরিত্যাগ করিতেন । যে
যে দেশে ধান্য উৎপন্ন হয় না তথায় কৃষক
লোকেরাই পরিশ্রম করিয়া ধান্যের অনুঘায়ি
অন্যান্য ভক্ষণীয় বস্তু প্রস্তুত করিয়া থাকে ।

দীনবন্ধু পুনর্বার জিজ্ঞাসা করিলেন পিতৃব্য !
এই প্রাস্তরের মধ্যে আমাদের যেমন দশ বিঘা
ভূমি আছে, এইরূপ সকলেরই কি কিঞ্চিৎ
কিঞ্চিৎ আছে ? দয়ারাম বলিলেন বৎস ! তাহা
নহে, এই প্রাস্তর সমুদায়ই প্রায় রাজার, রাজার

নিকট যিনি একবারে অধিক মূল্য দিয়া ক্রয়
 করিয়াছেন অথবা দান প্রাপ্ত হইয়াছেন, তাহাই
উৎকর্ষ নিজেই হইয়াছে। কিন্তু এপ্রকার বড়
 অধিক নাই। রাজা স্বহস্তে সমস্ত ভূমির কৃষি-
 কর্তব্য করিতে সমর্থ না হইয়া, প্রজাদিগের প্রতি
 আদেশ করিয়াছেন। প্রজারা যোগ্যতানুসারে
 কিঞ্চিৎ কিঞ্চিৎ ভূমি লইয়া ধানাদি উৎপন্ন
করে, এবং উপযুক্তরূপে রাজাকে রাজস্ব প্রদান
 করিয়া থাকে। রাজা সেই রাজস্ব লইয়া আপন
সংসার ভরণ পোষণ ও দেশের অমঙ্গল নিবা-
 রণ করেন। আর যাহাতে প্রজাগণের আপদ্
 বিপদ্ উপস্থিত না হয় এবং তাহাদের সুখ-
সচ্ছন্দে কালযাপন হয় তাহার উপায় করিয়া
দেন। ফলতঃ প্রজাবর্গের প্রতি, শস্যাদি উৎ-
 পন্ন করিয়া দেশের খাদ্যসামগ্রী প্রস্তুত করিবার
 ভার অর্পিত হইয়াছে, এবং রাজার প্রতি,
 দেশের আর সমস্ত মঙ্গল বিধানের ভার অর্পিত
 আছে।

বস্ত্র ।

১৩৯

দয়ারাম, ত্রাতুঙ্গুকে লইয়া, প্রায় প্রতি
 ভ্রমণ করিতে বহির্গত হইতেন। এক দিন ^{সে} দিন
 বন্ধু ভ্রমণ সময়ে তন্তুবায়-পল্লী প্রবেশ করিলেন।
 সে দিন আর কুত্রাপি গমন করা হইল না,
 কেবল একান্তচিত্তে তন্তুবায়দিগের শিল্পনৈপুণ্য
 নিরীক্ষণ করিতে লাগিলেন। কোন কোন
 ব্যক্তি তন্তুসস্তান লইয়া নির্মল তরুচ্ছায়ায়
 বস্ত্রের লম্বসূত্র প্রস্তুত করিতেছে, কেহ বা গৃহা-
 ভ্যন্তরে বসিয়া তুরী বেমা প্রভৃতি উপকরণ
 সামগ্রী দ্বারা পূর্বকৃত লম্বসূত্রে প্রস্তুত সন্নি-
 বেশিত করিতেছে, আর কেহ প্রস্তুত বস্ত্র সকল
 পরিষ্কৃত করিতেছে। দীনবন্ধু অনেকক্ষণ পর্যন্ত
 এই প্রকার বস্ত্র-বয়ন নিরীক্ষণ করিয়া পরম আনন্দ
 হইলেন, এবং পিতৃব্যকে জিজ্ঞাসা করিলেন
 মহাশয়! এই তন্তুবায়েরা যে সমস্ত সামগ্রী লইয়া
 বস্ত্র প্রস্তুত করিতেছে ইহার মধ্যে সূত্রই প্রধান
 উপকরণ, সূত্র ব্যতিরেকে বস্ত্র নির্মাণ আর কোন
 রূপেই সম্ভবে না। এই সূত্রগুলি কি এইরূপই
 সৃষ্ট হইয়া থাকে, অথবা তন্তুবায়েরা কোন

নিকট প্রস্তুত করিয়া লয়, বলিতে সাজা
করিয়া।

আমায় উত্তর করিলেন, বৎস ! তুমি কৃষক-
দিগের কোন কোন উন্নত ক্ষেত্রে কার্পাস রূক্ষ
অবশ্যই দেখিয়া থাকিবে। ঐ রূক্ষের ফলে
কার্পাস উৎপন্ন হয়। এতদ্বশে কার্পাসকে
তুল কহে। ঐ তুলদ্বারা অগ্রে সূত্র প্রস্তুত
করিয়া লইতে হয়, পশ্চাৎ তাহাতে বস্ত্রাদি
নির্মাণ হইয়া থাকে। আমাদের ভারতবর্ষে
সূত্র প্রস্তুত করিবার উত্তম যন্ত্র নাই, কেবল
চরকা ও টেরা দ্বারা প্রস্তুত হইয়া থাকে। কিন্তু
এক্ষণে সে চরকাও বড় প্রচলিত নাই।
তাহাতে অনেক সময় ব্যয় ও অনেক পরিশ্রম
করিলে অতি অল্প মাত্র সূত্র প্রস্তুত হইতে
পারে। এই নিমিত্ত মহাবুদ্ধিজীবী ইংরাজ
মহোদয়েরা সূত্রোৎপত্তির নিমিত্ত নানাপ্রকার
যন্ত্র নির্মাণ করিয়াছেন। ঐ সকল যন্ত্র ইংলও
দেশেই অধিক চলিতেছে। এই ভারতবর্ষ
এবং অন্যান্য স্থান হইতে তাহারা তুল ক্রয়
করিয়া লইয়া যান, এবং ঐ যন্ত্রে অতি অল্প

উৎকর্ষবিধান ।

সময়ে, অল্প ব্যয়ে ও অল্প পরিশ্রমে অপরি-
মিত সুত্র প্রস্তুত করেন। এবং এদেশে তাহা
আনীত হইয়া বিক্রীত হইয়া থাকে। সুতরাং
অতি অল্প মূল্যে ঐ উত্তম বিলাতীয় সুত্র ক্রয়
করিতে পাওয়া যায়। তন্তুবায়েরা তাহা কিম্বিয়া
আনিয়া বস্ত্র বয়ন করিয়া থাকে।

বটরক্ষ, কুলায়—নির্মাণ—শাবকোৎপত্তি ।

আর এক দিন দীনবন্ধু ও দয়ারাম উভয়ে
অপরাক্রম কালে ভ্রমণ করিয়া ভবনে প্রত্যাগমন
করিতেছেন প্রদোষ সময়ে দূর হইতে দোখতে
পাইলেন, গ্রামের প্রান্তভাগে এক প্রকাণ্ড বট
রক্ষ চতুর্দিক হইতে নানা জাতীয় পক্ষিগণ
আসিয়া উপস্থিত হইতেছে। রক্ষটী ~~জাম্বু~~
হইতে নিতান্ত নীলবর্ণ দেখাইতেছিল, ঐ ~~বট~~
তাহার উপরিভাগে মধ্যে মধ্যে একএকটি পরি-
ণত রক্তবর্ণ ফল থাকিতে কি অগূর্ব্ব শোভাই
হইয়াছিল, বোধ হইল যেন সুপাকার নীলকান্ত
মণিরামির উপর এক একটা উজ্জ্বল তাম্রবর্ণ
পদ্মরাগ মণি বিন্যস্ত হইয়া রহিয়াছে।

ক্রমে ক্রমে নিকটবর্তী হইয়া দীনবন্ধু, বিহঙ্গ-
বর্গের নানাবিধ মধুরাম্বুট ধনি শুনিতে পাই-
লেন। অনন্তর তরুতলে গিয়া উদ্ধমুখ হইয়া
দেখিলেন শাখাঐভাগে নিবিড় পল্লবাচ্ছাদিত
কণ্ডগুলি শুকতৃণ-নির্মিত কুলায় রহিয়াছে,
এবং ত্রাহার প্রত্যেকের উপরই এক একটা
পক্ষী অতি উৎকণ্ঠিতভাবে সন্নিবিষ্ট হইতেছে।
আর কোন কোন পক্ষী কেবল শাখার উপরেই
উপবিষ্ট হইতেছে। এই প্রকার প্রকাশ্য বটবৃক্ষ ও
কুলায় এবং পার্শ্বগণ বীক্ষণ করিয়া দীনবন্ধু, সমভি-
ব্যাহারী পিতৃব্যকে জিজ্ঞাসা না করিয়া থাকিতে
পারিলেন না, করিলেন পিতৃব্যমহাশয়! এই বৃক্ষে
পার্শ্বগণ কি জন্য আসিয়া বসিতেছে, এবং
কান্ডভাগে শুক তৃণরাশিই বা কে আনিয়া
রাখিয়াছে? উহা কেবল তৃণরাশি নহে, তন্তু-
রায়েরা যে প্রকার বস্ত্র বয়ন করে সেই প্রকার
তৃণগুলি পরস্পর সুসংল্লিষ্ট ও গ্রথিত হইয়া
রহিয়াছে, ইহা কে নির্মাণ করিল? আর এই
বৃক্ষটার প্রকাশ্য প্রকাশ্য অনেকগুলি কাণ্ড
দেখিতেছি। ইহা কি একটা বৃক্ষ, না অনেক-

গুলি বৃক্ষ এক স্থানে উৎপন্ন হইয়া পরস্পর
মিলিত হইয়া রহিয়াছে ?

দীনবন্ধুর এই প্রকার আশ্চর্য্য প্রশ্ন শুনিয়া
দয়ারাম তাহার বুদ্ধির গতি বিবেচনা করিয়া
স্বাভাৱে চমৎকৃত হইলেন, কহিতে লাগিলেন,
বৎস! এই যে বটবৃক্ষ দেখিতেছ, গ্রামের সমু-
দায় বৃক্ষাপেক্ষা ইহা উচ্চ ও বিস্তৃত। ইহার
শাখা গুলি এক একটা বিপুল বৃক্ষের যত শুল-
কাংশ ঐ সকল শাখার এস্থি হইতে অনেক
প্রকার পতিত হইয়া ভূতলে সংলগ্ন হইয়াছে,
তাছাড়া বোধ হইতেছে যেন কতগুলি বৃক্ষ
একত্রিত হইয়া জন্মিয়াছে, ফলতঃ তাহা নহে,
ইহা একটা বৃক্ষ। রৌদ্রের সময় এই বৃক্ষের
বহুবিস্তৃত ও স্বাভাৱে শীতল ছায়া হইয়া
থাকে। পথিকেরা আতপ-তাপে নিতান্ত ক্লান্ত
হইয়া, ইহার ছায়ায় আসিয়া বিশ্রাম করিলে,
কালগোচরে অম-বিমুক্ত হইয়া যার গ্রামস্থ
অন্যান্য বৃক্ষ নানাবিধ ফল দান করিয়া লোকের
যে প্রকার উপকার করে, এই বটবৃক্ষ কেবল
শুশীতল ছায়া দান করিয়াই ততোধিক উপকার

বিধান করে, এই নিমিত্ত ইহাকে সকলে দেবতা-
বৎ মান্য করিয়া থাকে, এবং ইহা ছেদন করিলে
পাপ জন্মে ইহাও বলিয়া থাকে ।

এই বৃক্ষ নান্যাত্মীয় পক্ষিগণের বাস-স্থান ।
প্রভূষ সময়ে পূর্বে বৃক্ষবর্গ হইলে পক্ষিগণ
বিবিধ প্রকার আনন্দ বিস্তার করিয়া,
লোক সকলকে প্রভাতের প্রবোধ প্রদান পূর্বক
আকাশমার্গে চতুর্দিকে প্রস্থান করে । এবং
কর্তৃ দিন আপন আপন অভীষ্ট স্থানে, কেহ
জলে, কেহ স্থলে, কেহ বনে, কেহ উপবনে,
কেহ প্রান্তরে, কেহ বা নদীপারে, অভিলষিত
আহার বিহার করিয়া সচ্ছন্দে সময় অতিবাহন
করে । সায়ংকাল উপস্থিত হইলে, যে যেখানে
থাকুক : সকলেই এই বৃক্ষে আসিয়া আশ্রয়
লাভ করে । রাত্ৰিকালে রাত্ৰিচর পক্ষী ব্যতিরিক্ত
অন্য সকলেই অন্ধ হয় । আমরা রজনীত্যাগেও
কিঞ্চিৎ কিঞ্চিৎ দেখিতে পাই; কিন্তু ইহারা
কখন কিছুই দেখিতে পায় না, এই জন্য
কোন একটা বৃক্ষের শাখায় বলিয়া কেবল নিছা
যায় । এই একাধি বৃক্ষ বড় বৃষ্টি বা অন্যবিধ

আপস্ ঘটিবার বড় একটা সম্ভাবনা

বড় হইলে বড় অধিক চঞ্চল হয় না, এবং

হইলেও পল্লব সমূহ দ্বারা তাহা বারণ হই

পারে, এই কারণে এ অঞ্চলের প্রায় তা

পক্ষীই এত বৃক্ষে বাস করিয়া থাকে।

বৎস দীনবন্ধে! এই বৃক্ষের অগ্রভাগে বিধ
নীড়পুঞ্জ দেখিতেছ, উহার বিবরণ তৌক
বলি শুন। ঐ নীড় আর কোন ব্যক্তি নি
করিয়া দেয় নাই। পক্ষীগণ স্বয়ং পরি
করিয়া নানা স্থান হইতে উপযুক্তরূপে তদু
রণ পূর্বক ঐরূপে অপকূপ বাসস্থান নির্মাণ
করিয়াছে। যখন পক্ষীগণদিগের প্রসব হই
বার সময় নিকটবর্তী হয় তখন প্রকৃতি-প্রেরিত
হইয়াই তাহারা এইরূপ বাসস্থান নির্মাণের
আয়োজন করিতে থাকে। আমরা যেমনই হ
সাদাদি দ্বারা নানা কার্য নিৰ্বাহ করিতে পারি,
উদাহরণে সেইরূপ চঞ্চুপুট ও পদযুগল দ্বারা
সেইরূপে আবশ্যিক সমুদায় কৰ্ম সম্পন্ন করিতে
সমর্থ হই। কিছু দিনের মধ্যে এইরূপ সুন্দর নীড়
নিৰ্মাণ করিয়া, তাহাতে ডিম প্রসব করে, প্র

বিশ্বদিন তাহা পরিণত ও ক্ষুণ্ণিত না হয়, বৎস দিন কেবল ঈষদুষ্ণ বকোদেশ দ্বারা পালন করিয়া বসিয়া থাকে । ডিম্ব ক্ষুণ্ণিত হইয়া শাবক বাহির হইলে, জননীরা তাহার আহারের নিমিত্ত সাতিশয় ব্যস্ত হয় । মনুষ্যাদি জন্তুর যেমন স্তনদ্বয় আছে, শিশু সন্তানেরা সেই স্তন-দুগ্ধ পান পূর্বক প্রাণ ধারণ করিয়া ক্রমশঃ বর্দ্ধমান হইতে থাকে ; পক্ষীদের মেরুপ স্তন নাই, ইহারা ইতস্ততঃ ভ্রমণপূর্বক মুখে করিয়া বৎসদিগের আহার সামগ্রী আহরণ করে, আনিয়া মুখে তুলিয়া দেয় । যত দিন বৎসগুলির উজ্জয়ন শক্তি ও আপন আপন আহারাবেষণে ক্ষমতা এবং বিপদ-নিবারণে সামর্থ্য নাই, তত দিন ক্রমাগত এইরূপ করিয়া স্তনীদের পালন করে । জগদীশ্বরের কি অলৌকিক কৌশল!

ইত্যুৎকর্ষে ।

দীনবন্ধুর সূতন সূতন বস্তু পরিচয়ে সাতিশয়
বিভাগ ছিল । তিনি পিতৃব্যের সঙ্গে ভ্রমণ

করিতে যাবেন ও অভিনব বস্তু দর্শন করিবেন বলিয়া অতি প্রত্যাশে শয্যা হইতে গাত্রোথান পূর্বক মুখ প্রক্ষালনাদি করিতেন, এবং বহির্গমন করিবার নিমিত্ত পিতৃব্যকে উত্তেজনা করিতেন। ভ্রাতুষ্পুত্রের এইরূপ উৎসাহ ও আগ্রহ দেখিয়া দয়ারাম আর আলস্য প্রকাশ করিতে পারিতেন না, প্রায়ই তাঁহাকে প্রত্যহ প্রত্যুষে ও দিন-শেষে বহির্গত হইয়া দীনবন্ধুকে মান্য নূতন-পদার্থ-বিষয়ক উপদেশ প্রদান করিতে হইত। একদা এক ইক্ষুক্ষেত্র নিরীক্ষণ করিয়া দীনবন্ধু জিজ্ঞাসিলেন পিতৃব্য ~~এ সকল~~ কিসের গাছ, ইহাতে কি ফল ফলিত হয়? দয়ারাম বলিলেন বৎস! তাল, নারিকেল, ও আশ্রু বৃক্ষের ন্যায় ইহাতে কোন ফল জন্মে না, কিন্তু ইহাতে কুম্বদিগের বিস্তর ফল লাভ হয়। ইহার নাম ইক্ষুবৃক্ষ। এই বৃক্ষ আপনার সর্ব শরীর সমর্পণ করিয়া, জন্মদাতা ও প্রতিপালিতাদিগের অশেষ প্রকার প্রত্যাশকার করে।

বৎস! তুমি গুড় ও চিনি অবশ্যই ভক্ষণ করিয়াছ। সেই সকল মিষ্ট বস্তু এই বৃক্ষ হইবে

উৎপন্ন হয় । ধান্যাদির যেকোন বীজ আছে, এবং সেই বীজ বপন করিলে ধান্যরূপ জন্মে ; ইক্ষুর মেরূপ বীজ নাই, ইহার ঐতিহ্যবিশিষ্ট ঋণ্ডা ঋণ্ডা মূলভাগ গুলি ভূমিতে বপন করিলে ক্রমশঃ আঁদ্র-মৃত্তিকা-যোগ-বশতঃ সেই ঐতিহ্য-স্থান হইতে অনেকগুলি অক্ষুর এক কালে উদগত হইয়া, এইরূপ বৃক্ষস্তোম জন্মিয়া থাকে । ইক্ষুরূপ পরিণত হইলে কৃষকেরা ইহার মূলপর্ব্যস্ত ছেদন করে, এবং নিম্পীড়ন-যন্ত্রে নিয়োজিত করিয়া নিম্পেষণ পূর্বক ইহা হইতে যথেষ্ট রস নিষ্কাশিত করিয়া লয় । সেই রস খুলি করিয়া অগ্নিতে পাক করিলে ক্রমে ক্রমে বর্ণ পরিবর্ত হইয়া তরল গুড় উৎপন্ন হয় । সেই উষ্ণ গুড় কোন পাত্রে ঢালিয়া রাখিলে শীতল হইয়া গাটতর ও নীরস এবং দানায়ুক্ত গুড় জন্মে । কৃষকেরা প্রাতি বৎসর এইরূপ ইক্ষুর চাষ ও গুড় প্রস্তুত করিয়া আপণে বিক্রয় করে, তাহাতেই পৃথিবীর তাবৎ লোকে গুড় ভক্ষণ করিতে পারে । যার এই সকল ইক্ষুরূপও বিক্রয় হইয়া থাকে । ইহা গৃহস্থ ও পথিক লোকেরা সকলেই ক্রয়

করে, এবং তাহার বৃক উন্মোচনপূর্বক চর্ষণ করিলে উত্তম সুগন্ধুর রস পান করিতে পাওয়া যায়। বৎস! তুমি ইক্ষু খাইয়া থাকিবে, সুরণ হইতেছে না?

বৎস দীনবন্ধো! এই শুভে চিনি প্রস্তুত হয়। অনেক বাণিজ্যকারী লোকে উত্তম শুক শুভ ক্রয় করিয়া বস্ত্রাদি দ্বারা নির্যাসন পূর্বক তাহার রস পৃথক করে, পরে ধুলির যত সেই শুভের শুভা শুলি রোদ্রে শুক করিলেই চিনি জন্মে। ঐ চিনি, নানা কৌশলে মল-শোধন পূর্বক যত পরিশুদ্ধ করা যায় ততই শুভবর্ণ শর্করা প্রস্তুত হয়। ইংরাজ মহোদয়েরা শুভ শর্করা প্রস্তুত করিবার নিমিত্ত অতি উত্তম যত্ন নিৰ্মাণ করিয়াছেন। তাহাতে এক কালে যথেষ্ট শর্করা নির্মল হইয়া এমত শুভ বর্ণ ধারণ করে, শরৎকালের পূর্ণচন্দ্র বা বসন্ত কালের প্রফুল্ল মল্লিকা পুষ্প বুঝি তাদৃশ শুভ না হইবে। এতদেশে সেই যত্ন-শোধিত শর্করার বড় ব্যবহার নাই, তাহা অধিকাংশই ইংলণ্ডে প্রেরিত হইয়া থাকে।

এতদেশের চিনিতে নানাবিধ মিষ্টান্ন প্রস্তুত হইয়া থাকে। আপনে আসিবার সময় তুমি যোদ্ধুদিগের বিপণিতে যে সকল শ্রেণীবন্ধন পূর্বক স্থাপিত সুসজ্জিত মিষ্টান্ন ও সন্দেশ দেখিতে পাও, বোধ হয় তুমি তাহা কিছু কিছু ভক্ষণ করিয়া থাকিলে, সেই সমস্ত সুমিষ্ট বস্তু চিনিতে প্রস্তুত হয়। যদিও তাহা প্রস্তুত করিতে আর আর অনেক দ্রব্যের প্রয়োজন হইয়া থাকে, কিন্তু চিনি ব্যতিরেকে মিষ্ট করিবার উপায় আর নাই। অতএব, ক্রমকরা যদি ইক্ষু প্রস্তুত করিয়া শুড় উপায় না করিত, তাহা হইলে, যত বড় বড় মানুস হইল না কেন, পৃথিবীর কোন লোকেই মিষ্টান্ন ভক্ষণ করিতে সমর্থ হইতেন না।

ইক্ষুরক্ষে প্রতি বৎসর বেকরপ শুড় উপায় হয়, এইরূপ তাল ও খজুর রক্ষের রসেও হইয়া থাকে। কিন্তু ইক্ষুর গত তাল ও খজুর রক্ষকে নিষ্পীড়ন করিতে হয় না। এই সকল রক্ষের ক্ষকদেশের কিয়দংশ ত্বক উন্মোচন করিলেই তথা হইতে আপনি রস নির্গত হইতে থাকে।

সেই রস লইয়া অগ্নিপক্ক করিলেই পূর্ববৎ শুড় উৎপন্ন হয় । শীতকালের প্রাতঃকালে খজ্জুরের রস সাতিশায় স্মৃমিক্ত হয়, এইনিমিত্ত অনেকে আগ্রহ পূর্বক তাহা পান করিয়া থাকে ।

মুর্ছাকল ।

দীনবন্ধুদের ভদ্রাসনে অনেকগুলি নারিকেল রক্ষ ছিল । একদিন দয়ারাম কোন উৎসব উপলক্ষে একজন লোক ডাকিয়া সেই সমস্ত রক্ষ-হইতে পরিণত ও অপরিণত কতগুলি নারিকেল পাড়াইলেন । দীনবন্ধু, বালক-স্বভাব-সিদ্ধ আনন্দে প্রফুল্ল হইয়া রক্ষের তল হইতে ইতিমুত্তঃ পতিত নারিকেলগুলি একত্র করিয়া অনেক পরিশ্রমে বাটির মধ্যে বহিয়া আনিলেন । দয়ারাম দীনবন্ধুর তাদৃশ পরিশ্রম দেখিয়া দয়া প্রকাশ পূর্বক একটি অপরিণত নারিকেল কাটিয়া তাহাকে তাহার জল পান করিতে দিলেন । নারিকেল কাটিবামাত্র দীনবন্ধু তন্মধ্যে

জল দেখিয়া অতিমাত্র চমৎকৃত হইলেন । পরে সেই সুমধুর জল পান করিয়া আর ডিউয়াস না করিয়া থাকিতে পারিলেন না, কহিলেন পিতৃব্য । এত উচ্চ বৃক্ষের উপর এই ফল জন্মিয়াছে, ইহার কোন স্থানে ছিদ্র দেখিতেছি না, ইহার অভ্যন্তরে কি প্রকারে জল আইল ? এবং কি প্রকারে এত মিষ্টরস জন্মিল ? আমার বোধ হয়, এ জলে চিনি মিশ্রিত রহিয়াছে ।

দয়াময় কহিলেন বৎস ! এই যে পৃথিবী দেখিতেছ, ইহার কার্যযোগালী ও সৃষ্টিকৌশল অতি অশঙ্ক্য । নারিকেল গাছগুলি প্রথমে যখন অস্পর্ষস্ক ছিল তখন ইহাতে ফল উৎপন্ন হয় নাই, এবং যেরূপ দীর্ঘাকার দেখিতেছ তখন এরূপ ছিল না । পৃথিবীর সৃষ্টিকার মত্বা হইতে নারিকেল-বৃক্ষের মূলভাগ দিয়া অনবরতই অতি সূক্ষ্ম পরিমাণে কিঞ্চিৎ কিঞ্চিৎ রস ইহার মধ্যে ক্রমশঃ প্রবিষ্ট হইয়া থাকে । ঐ রস দ্বারা ই শাখা পল্লব বহির্গত হইয়া ক্রমে ক্রমে বৃক্ষের আকার বৃদ্ধি হয় । নারিকেল-বৃক্ষের পাঁচ সাত বৎসর বয়স হইলে ফল ফলিতে আরম্ভ হয় । কোন কোন

স্থানের মৃত্তিকার গুণ-দোষে ইহার ন্যূনাধিক বয়সেও ফল ফলিয়া থাকে । প্রথমে ক্ষুদ্র ক্ষুদ্র ফুল হইয়া ক্রমে ক্রমে এইপ্রকার বৃহদাকার ফল হয় । ফলের বৃন্তের মধ্যে অতি সূক্ষ্ম সূক্ষ্ম ছিদ্র আছে, এত সূক্ষ্ম যে তাহা দেখিতে পাওয়া যায় না । ভূগর্ভের রস প্রথমে বৃক্ষমধ্যে উত্থিত হয়, পরে অণ্ণে অণ্ণে বৃন্তের ছিদ্র দিয়া ফলের মধ্যে প্রবিষ্ট হয় । যত দিন ফলগুলি উত্তমরূপে পরিণত না হয় ততদিন ক্রমাগত অবিরামে রস প্রবেশ হইতে থাকে । পরিণত হইলে আর তাহাতে রস প্রবিষ্ট হয় না, এই নিমিত্ত পরিণত ফল ক্রমে ক্রমে শুষ্ক হইয়া যায় । অগ্র ফলের উপরি ভাগের ত্বক্ শুষ্ক হয়, এবং অধিক দিন থাকিলে অভ্যন্তরের জলও শুষ্ক হইতে পারে । এই উত্তম পরিণত ফল ভূগর্ভে রোপণ করিলে অক্ষুর উৎপন্ন হইয়া বৃক্ষ জন্মে ।

দীনবন্ধো ! তুমি এখন একটা অপরিণত ও একটা পরিণত ফল তুলিয়া লাড়িয়া দেখ, অপরিণত ফলটা যত ভারী বোধ হইবে পরিণত ফলটা তদুপেক্ষা অনেক লঘু বোধ হইবে । যে

হেতু, যাহাতে অধিক রস থাকে সে ভারী, এবং যাহাতে অল্প রস সে লঘু হয় । আর, অপরিণতটীর অভ্যন্তরে জল পরিপূর্ণ আছে বলিয়া লাড়িলে শক হয়না, কিন্তু পরিণতটীর অভ্যন্তরে বহু জল অনেক শুষ্ক হইয়াছে, অতি অল্প আছে, এজন্য লাড়িলে তাহা হইতে শক বাহির হইতে থাকে । দীনবন্ধু তৎক্ষণাৎ তাহা পরীক্ষা করিয়া পিতৃব্যের কথায় সাতিশয় আস্থা প্রকাশ করিতে লাগিলেন ।

পিতৃব্য পুনর্বার বলিলেন বৎস ! তুমি যে বলিয়াছ ইহার জল অতিশয় মধুর, চিনি মিশ্রিত বোধ হয় ; তাহার কারণ আমি তোমাকে কিছুই বলিতে পারিলাম না । জগদীশ্বরের সৃষ্টিতে চিরকাল যাহা যেৰূপ হইয়া আসিতেছে, তাহা সেই রূপই হইয়া থাকে । নারিকেলের জল যেমন মধুর হয়, সেইরূপ তিলিডী ফল সাতিশয় অন্ন হয়, এবং লঙ্কা ও মরীচ প্রভৃতি কটু হয় ; এইরূপ তিল কষায় ও লবণাক্ত ফলও উৎপন্ন হইয়া থাকে । ইহার হেতু নিশ্চয় হইবার কোন উপায় নাই ।

রসাকর্ষণ—কাষ্ঠ—ইক্কক ।

বহুস ! এক্ষণে তোমাকে আর একটি বিন-
য়ের উপদেশ প্রদান করিতেছি, শ্রবণ কর ।
এই যেমন তোমাকে নারিকেলের বিকর বলি-
লাম এইরূপ, পৃথিবীতে যাবতীয় উদ্ভিদ পাদার্ণ
আছে, বড়বড় অশ্বথ বট বৃক্ষ অরধি দুর্লভ। যুস্তুক
প্রভৃতি অতি ক্ষুদ্র সামান্য ভূগ পর্য্যন্ত, সকল
উদ্ভিদেরই আকর্ষণ শক্তিতে ভূমি হইতে রস
উদ্ধিত হইয়া তাহাদের মধ্যে প্রবেশ করে,
তদ্বারা ঐ সকল পাদার্ণ ক্রমশঃ বৃদ্ধি প্রাপ্ত হয়
এবং যথাকালে পুষ্প ফলাদি প্রসব করিয়া ক্রমে
ক্রমে প্রাণীনাশ্রয় পতিত হয় । অতি প্রাচীন
হইলে আর তাহাদের রসাতলের রসাকর্ষণে
শক্তি থাকে না । সুতরাং ক্রমশঃ নীরস ও
নিস্তেজ হইয়া বিনাশ প্রাপ্ত হয় ।

বৃক্ষ শুষ্ক হইলে গৃহস্থেরা কাষ্ঠরূপে গ্রহণ
করে, সেই কাষ্ঠ জ্বালাইয়া নানাবিধ অন্নব্যঞ্জন
পাক করিয়া ভক্ষ্য বস্তু প্রস্তুত করে । কাষ্ঠদ্বারা
কেবল ভক্ষ্য বস্তু প্রস্তুত হয় না, ধনবান্ লোক-
দিগের যে সকল অটালিকা দেখিতেছ ইহাতে

বে ইষ্টক ও চূর্ণ লাগিয়াছে, তাহাতেও কাঠের
 প্রয়োজন হয়। এবং আমরা যে সকল হাঁড়ী,
 কলমী, শরা, মালমা ও জালা, গামলা প্রভৃতি
 মৃৎপাত্র ব্যবহার করি, তাহাও কাঠদ্বারা দক্ষ
 হইয়া প্রস্তুত হইয়া থাকে। আর ঘূহের
 জানলা, দ্বার, কবাট ও প্রাণাদের কড়িকাঠ
 প্রভৃতি এবং সিন্দুক বাজা আলমারি ইত্যাদি
 নানা প্রকার বস্তু নির্মাণ করিতে কাঠের প্রয়ো-
 জন হয়।

দীনবন্ধু জিজ্ঞাসিলেন মহাশয়! হাঁড়ি কলমী
 প্রভৃতি মৃৎপাত্র এবং ইষ্টক ও চূর্ণ, কাঠদ্বারা
 কি প্রকারে প্রস্তুত হয় বলিতে আজ্ঞা হউক।
 দয়ারাম বলিলেন হাঁড়ি কলমী প্রভৃতি প্রথমতঃ
 মৃত্তিকা আহরণ পূৰ্ব্বক নির্মাণ করিতে হয়। অন-
 ত্তর তাহা রৌদ্রে শুষ্ক হইলে কোন স্থানে (পাণে)
 একত্র স্থাপনপূৰ্ব্বক আচ্ছাদন করিয়া তাহার
 নিম্ন প্রদেশে তৃণ কাষ্ঠাদি জ্বালাইয়া দক্ষ করিলে,
 পাটল-বগ-বিশিষ্ট ঐ সকল পাত্র প্রস্তুত হয়।
 দক্ষ না করিয়া কেবল মৃত্তিকার পাত্র ব্যবহার
 হইতে পারে না, যে হেতু অদক্ষ মৃৎপাত্রে জল

লাগিলে তাহা গলিয়া যায়, সুতরাং ঐ সকল পাত্রে যে সকল প্রয়োজন সিদ্ধ হইতেছে, বারিধারণ-ক্ষম না হইলে তাহা কোন রূপেই সম্পূর্ণ নিষ্কাশন হইতে পারিত না । দক্ষ করিলে তৎসমুদায়ের এমত শক্তি জন্মে যে বহুকাল তাহাতে জল লাগিলেও কোন হানি হইত না । এতদেশে কুস্তিকার জাতিরা ঐ সকল সৃষ্টিপাত্র নির্মাণ করিয়া থাকে ।

ইষ্টক নির্মাণ একরূপ নহে । তাহা সকল জাতিই প্রস্তুত করিয়া থাকে । অথৈ কাষ্ঠ-কলক দ্বারা ইষ্টকাকৃতি একটা যন্ত্র নির্মাণ করিতে হয় । অনন্তর সৃষ্টিকার জল মিশ্রিত করিয়া কন্দম প্রস্তুত করে । পরে পরিষ্কৃত প্রান্তরমধ্যে ঐ যন্ত্র সহকারে কিঞ্চিৎ কিঞ্চিৎ কন্দম দ্বারা ক্রমে ক্রমে অঙ্গাদিন মধ্যে বহুসংখ্যক ইষ্টক নির্মাণ করে । সেই সমস্ত ইষ্টক রৌদ্রে শুষ্ক হইলে একত্র পুঞ্জীকৃত করিতে হয় । ঐ পুঞ্জমধ্যে মধ্যে মধ্যে কাষ্ঠখণ্ড সন্নিবেশিত করিয়া দিয়া থাকে । কোন কোন পুঞ্জে পাখুরিয়া কয়লাও দিয়া থাকে । পুঞ্জ সজ্জিত হইলে

তাহার নিম্নভাগে কিয়দংশ কাষ্ঠখণ্ডে অগ্নি সংযোগ করিয়া দিলে, ক্রমে ক্রমে উহার অল্প-গত সমুদায় কাষ্ঠ দগ্ধ হইতে থাকে, তাহার সঙ্গে সঙ্গে ইষ্টকগুলিও দগ্ধ হইয়া স্ফটিকায় শক্ত ও রক্তবর্ণ হইয়া উঠে । এইরূপ, শত্রী শয়ক ও শুক্রি প্রভৃতি উদ্ভব আশ্রু (খোল) সঞ্চিত করিয়া তাহার মধ্যে মধ্যে কাষ্ঠ দিয়া দগ্ধ করিলে শুক্রবর্ণ চূর্ণ প্রস্তুত হয় । আর, প্রসুরথও উদ্ভব করিলেও চূর্ণ হইয়া থাকে । এই চূর্ণে ও ইষ্টক চূর্ণে মিশ্রণপূর্বক জল সহযোগে পঞ্চদশ বস্তু প্রস্তুত করিয়া, তদ্বারা যথাবিধানে ইষ্টক গ্রীথিত করিলে হর্ম্য নির্মাণ হইয়া থাকে । কেবল কদম্ব দ্বারা ইষ্টক গাঁথিলেও প্রাসাদ হইতে পারে, কিন্তু তাদৃশ দৃঢ়তর হয় না ।

বৎস দীনবন্ধো ! উদ্ভিদ পদার্থ সকল যেরূপে পৃথিবীর রসাকর্ষণ করিয়া জীবন ধারণ করে, ইহুয়া পশু পক্ষী ও কীট পতঙ্গাদি চেতন পদার্থ সকল সেরূপে করে না । তাহারা মুখদ্বারা আহার গ্রহণ করিয়া জীবিত থাকে ও বর্দ্ধিত হয় । আমরা যাহা আহার করি, তাহা উদর-

মধ্যে পাকস্থলীতে প্রবিষ্ট হইয়া জীর্ণ হইতে থাকে। যৎপরিমাণে জীর্ণ হয় তদনুসারে তাহার সারভাগ বিভক্ত হইয়া শরীর-যন্ত্রের অভ্যন্তরে শিরাপথ দিয়া সর্বত্র সঞ্চারিত হইতে থাকে। এবং সেই সারাংশ দ্বারাই শরীরের শোণিতমাংস ও অস্থি বৃদ্ধি। প্রভৃতি তাবৎ বাত্ববৃদ্ধিত ও শক্তি হইয়া উঠে। পাকস্থলীতে জীর্ণ হইবার শক্তি হ্রাস হইলে নানা প্রকার শারীরিক রোগ পীড়া উপস্থিত হয়। মনুষ্য পশুপক্ষাদি সমস্ত জন্তুরই স্বভাবানুসারে যৌবনকাল পর্যন্ত কেবল আহার-সার দ্বারাই শরীর বৃদ্ধি হইয়া থাকে, এবং বৃদ্ধাবস্থা উপস্থিত হইলে ক্রমে ক্রমে সকল শক্তিরই হ্রাস হইয়া যায়। সুতরাং তখন আর কোন জন্তুই জীবিত থাকিতে সমর্থ হয় না। বৃদ্ধাবস্থা ব্যতিরেকেও কুপখ্যাসেবা ও অনিয়মিতাচার বা অনবধানতা প্রযুক্ত শরীর বিনষ্ট হইয়া থাকে। দেখ দীনবন্ধু! তেঁগেরি এই শরীরটি এক্ষণে বিলক্ষণ বলিষ্ঠ ও বহুকাল স্থায়ী বোধ হইতেছে, কিন্তু তুমি যদি অবাধ্য হইয়া স্বেচ্ছানুসারে অনিয়মিত আচার অবলম্বন

কর, এবং কুপথ্যসেবায় অনুরাগী হও, তাহা হইলে আর এত বলিষ্ঠ থাকে না, শীঘ্রই মর্ক হইয়া যাইতে পারে ।

• দীনবন্ধু পিতৃব্যের এই কথা শুনিয়া উত্তর করিলেন মহাশয় । আমি ত কখন আপনাদিগের অবাধ্য হইয়া চলি নাই, আপনারা যখন যে বিহয় উপদেশ প্রদান করেন তাহা সমুদায় সম্পূর্ণরূপে মনে করিয়া রাখি । আমার এক্ষণ বিজ্ঞান বোধ আছে যে “ সম্প্রতি আমি বালক, কি করিলে ভাল হয়, কি করিলে মন্দ হয়, তাহা সমুদায় জানি না । অতএব, আপনারা আমার নির্ভীক মঙ্গলাকাঙ্ক্ষী, আপনারা আমাকে সাহা করিতে অনুমতি দিবেন ও সাহা করিতে নিবারণ করিবেন, তাহা আমারই মঙ্গলের নিমিত্ত, মন্দেহ নাই । পিতৃব্য মহাশয় ! একপ্রকার কর্তব্যাকর্তব্য বিষয়ে বারম্বার উপদেশ দিতে হইলে আপনাদিগের ক্রেশ বোধ হইতে পারে, এজন্য আমি উপদেশ কালে এমন মন দিয়া শ্রবণ করি যে তাহা আর জীবনাবস্থানে ভুলিতে না হয় । কেবল আপনারা কেন, যে কোন মান-

নীর ও পূজনীয় ব্যক্তি যে কিছু স্ফুপদেশ প্রদান করিয়া থাকেন আমি কিছুতেই কিছুমাত্র অব-
হেলা করি না। বরং ইহা মনে করি যে আমার
ভালর জন্যেই ইহারা বলিতেছেন।”

অতি বালক দীনবন্ধুর মুখে এইরূপ বিনয়গর্ভ
বধুর সন্দর্ভ শ্রবণ করিয়া তত্রতা সকল ন্যস্তিই
পরম পুলকিত হইলেন। দীনবন্ধুর পিতামাতা
এরূপ স্নপুলের পিতামাতা হইয়াছেন বলিয়া
মনে মনে কতই মৌভাগ্য বিবেচনা করিতে
লাগিলেন। ফলতঃ অসামান্য মৌভাগ্যসম্পন্ন
না হইলে এমত পুলের মুখচন্দ্র দর্শন ও এমত
পুলের মুখচন্দ্র-বিগলিত স্বেধা-রসবৎ বচন শ্রবণ
কদাপি সম্ভব হয় না। যাহা হউক, ইহা নিতান্ত
আশ্চর্যের বিষয় বলিতে হইবে, তাঁদৃশ অসম-
বয়সে এতাদৃশ বোধধিকার ও স্বেদৃশ বিবেচনা-
শক্তি কি প্রকারে হইয়া উঠিল। অথবা, এই
বিচিত্র জগৎক্ষেত্রে জগদীশ্বরের ইচ্ছায় সকলি
উৎপন্ন হইতে পারে।

পদার্থ ।

অনন্তর দয়ারাম পুনর্ব্বার দীনবন্ধুকে শ্রিয়-
সংসোধন করিয়া বলিলেন, আমি যে তোমাকে
হেতু পদার্থ ও উদ্ভিদ পদার্থের বিষয় বলিলাম
ঐ পদার্থদ্বয়ের প্রকৃত অর্থ, বোধ হয়, তুমি উক্তম-
রূপ বুঝিতে পার নাই। অতএব পদার্থের
অর্থ তোমাকে বুঝাইয়া দিতেছি, শ্রবণ কর ।

এই ব্রহ্মাণ্ডমণ্ডলে তিন প্রকার পদার্থ আছে,
চেতন, অচেতন ও উদ্ভিদ ।

আমরা হস্ত-পদাদি সঞ্চালন পূর্ব্বক সকল
কর্তব্য কর্ম্ম করিতে পারি। এবং মনঃসঞ্চালন
পূর্ব্বক ইতিকর্তব্য বিবেচনা করিতে পারি।
আমাদের মত, পশু পক্ষী কীট পতঙ্গ প্রভৃতি
যাবতীয় জন্তুগণও হস্তপদাদি ও মনের দ্বারা
জ্ঞাতীয় সাধন করিতে সমর্থ হয়। এইরূপ সমু-
দায় পদার্থের চেতনা আছে বলিয়া ইহাদিগকে
চেতন পদার্থ বলা যায় ।

অচেতন পদার্থ অন্যপ্রকার। তাহারা স্বয়ং
লড়িতে চড়িতে পারে না, কেবল এক স্থানেই

অচল হইয়া অবস্থিত থাকে। কেহ তাহা-
দিগকে লইয়া গেলে বা লাড়িয়া দিলে লড়িতে
থাকে। ফলতঃ তাহাদের চেতনা নাই, উড়
পদার্থ। সেই সকলকে অচেতন কহে। আমা-
দের বাটীতে যে সকল ঘর দ্বার, ঘটা বাটা, কলসী,
মালসী, চাউল ডাউল, অস্ত্র শস্ত্র ও বস্ত্র প্রভৃতি
বস্তু আছে, তাহা সমস্তই অচেতন পদার্থ।

বৃক্ষ লতাদিকে উদ্ভিদ পদার্থ কহে। মনো-
যোগ করিয়া শুন। বৃক্ষ সকল, চেতন পদার্থের
তুল্যও নহে, অচেতন পদার্থের তুল্যও নহে।
উহারা চলিতে পারে না, কিন্তু দিনে দিনে বর্দ্ধ-
মান হইয়া অচেতন পদার্থাপেক্ষা বিশেষ গুণ
ধারণ করে। এবং চেতনেরা যেমন ইতস্ততঃ
সঞ্চরণ পূর্বক ইচ্ছানুযায়ী কর্ম করিতে সমর্থ
হয়, উহারা সেরূপও নহে। উহারা স্থাবর
পদার্থ ; ভূতল হইতে, যে স্থানে উদ্ভিন্ন হয়,
বা মনুষ্য কর্তৃক স্থানান্তরে রোপিত হয়, সেই
স্থানেই দিনে দিনে বর্দ্ধমান হইতে থাকে, এবং
কালক্রমে পরিষ্কর প্রাপ্ত হইয়া যায়। অতএব
উহারা উদ্ভিদ শব্দে সংজ্ঞিত হইয়াছে।

মুদ্রা, ধাতু ।

একদা দয়ারাম অপরাহ্ন কালে কর্মস্থান হইতে ভবনে প্রত্যাগমন করিলেন । সে দিন মাসের শেষ দিন হওয়াতে, প্রভুর নিকট বেতন পাওয়া হইলেন । বাটী আসিবামাত্র ভ্রাতুষ্পুত্র দীনবন্ধু তাহার নিকট উপস্থিত হইয়া জিজ্ঞাসিলেন পিতৃব্য ! অদ্য কি আনিয়াছেন ? দয়ারাম অন্যান্য দিন দীনবন্ধুর নিমিত্ত কিঞ্চিৎ কিঞ্চিৎ মিষ্টান্নাদি আনিয়া থাকেন । সেদিন ঘরে মিষ্টান্ন সঞ্চিত ছিল, এজন্য তাহা আনিয়া নাই । তাহার স্থানে যে বেতনের দশটি টাকা ছিল তাহা দীনবন্ধুর হস্তে দিয়া কহিলেন বৎস ! এই টাকাগুলি তোমার জননী নিকট অর্পণ কর ।

দীনবন্ধু উজ্জ্বল শ্বেতবর্ণ রৌপ্যমুদ্রাগুলি গ্রহণ করিয়া, অবাক হইয়া, তাহার প্রতি এক দৃষ্টে দৃষ্টি করিতে লাগিলেন । মুদ্রার অপূর্ব রূপ ও তদুপরি মুদ্রিত অপরূপ চিত্র অবলোকন করিয়া মাতিশয় কিস্ময়াবিষ্ট হইলেন । এবং

এতাদৃশ অল্পমাত্র বস্তুর তাদৃশ গুরুত্ব অনুভব
করিয়া পিতৃব্যকে জিজ্ঞাসা করিলেন, মহাশয়
ইহা কি পদার্থ? আমি অনেক লোফ্ট ও উফ্ট
খণ্ড হস্তে করিয়াছি, তাহার একপ ভাগ নহে
এবং তাহার একপ বর্ণও নহে। আমি
দুগ্ধ পান করিয়া থাকি, তাহা শুক্রবর্ণ বটে
এপ্রকার উজ্জ্বল নহে। ইহা কি স্বাভাবিক
পদার্থ, কি কোন বস্তুদ্বারা কোন ব্যক্তি নির্মাণ
করিয়াছে? ইহাতে এ সকল কি চিহ্ন দেখা
যাইতেছে? আপনি ইহাকে টাকা বলিলেন,
এই টাকা কোথায় জন্মে? পিতৃব্য মহাশয়!
যদি এই টাকা বহুসংখ্যক পাওয়া যায় তাহা
হইলে বড়ই আনন্দ হয়।

সরারাম, রৌপ্যমুদ্রা দর্শনে খালক দীনবন্ধুর
তাদৃশ ক্রমাভিব্যক্তি দেখিয়া, মুদ্রার মোহন শক্তি-
কে ধন্যবাদ দিয়া, বলিলেন, বৎস! এই টাকা
বড় মূল্য পদার্থ নহে, তুমি অনেক ক্ষণ হস্তে
রাখিলে, হয়তো দুই একটা হারাইয়া যাইবে,
অতএব তোমার জননীকে নিকট এই গুলি রাখিতে
নাও। এবং আমিও এই মাত্র আগমন করি

লাম। ক্ষণকাল বিশ্রাম করি। পরে তোমাকে
যুদ্ধের বিষয় সমস্ত বিস্তারিতরূপে বলিতেছি।
দীনবন্ধু তৎক্ষণাৎ তাঁহার আজ্ঞা শালন করি-
লেন। দয়ারাম বস্ত্রাদি পরিবর্তন করিয়া হস্ত
যুগ্মাদি প্রক্ষালন পূর্বক শ্রান্তি দূর করিলেন।
অনন্তর বলিতে লাগিলেন।

বৎস দীনবন্ধো! যুদ্ধের এমনি চমৎকার
মহিমা, দেখ, তুমি নিতান্ত বালক, তোমাকেও
স্বাক্ষিত করিয়াছে। তুমি ইহার বিশেষ গুণ
কিছুই জান না, তথাপি ইহা অপৰ্য্যাপ্ত প্রাপ্ত
হইতে তোমারও অভিলাষ হইয়াছে। বৎস!
পৃথিবীর যাবতীয় লোক এই যুদ্ধের জন্য সর্বদা
ব্যতিব্যস্ত হইয়া ইতস্ততঃ পর্যটন করিতেছে।
আমি প্রত্যহ ভোজনোত্তর বাহির্গত হই, এবং
সমস্ত দিন পরের কৰ্ম্ম নির্বাহ করিয়া অপরাহ্নে
অবকাশ পাই; এক ঘাস ক্রমাগত এইরূপ করি-
লে, তবে এই দশটী মাত্র যুদ্ধ প্রাপ্ত হইয়া
থাকি। আর, আমা অপেক্ষা হীন লোক অনেক
আছে, তাহারা সমস্ত ঘাস পরিশ্রম করিয়া
চারি পাঁচটী যুদ্ধের অধিক উপার্জন করিতে

পারে না । এবং এই জগতে এমনতর ভাগ্যবান ও বিদ্বান লোক বিস্তর আছেন যে তাঁহারা দায়িত্ব সহস্র মুদ্রারও অধিক উপার্জন থাকেন । ফলতঃ যাহারা মৎপরিমাণে বিদ্যোপার্জন করেন, তাঁহাদের তৎপরিমাণে বিত্তোপার্জন হয় । যাহারা অধিক মুদ্রা উপার্জন করেন, তাঁহারা সাংসারিক সুখসম্ভোগ অধিক করিতে সমর্থ হন । আর যাহারা কিছুই উপার্জন করিতে পারেন না, তাঁহারা নিতান্ত কষ্টে কাল যাপন করেন । ফলতঃ বিনা মুদ্রার সাংসারিক সুখের উপায়াস্তর কিছুই উপলব্ধ হইতেছে না । ইহার কারণ তোমাকে বলি শুন ।

সম্পত্তিশালী বহুযোগ্য যে উন্নত অট্টালিকায় বাস করে, যে উত্তম শস্যায় শয়ন করে; যে সমস্ত সুস্বাদ বস্তু আহার করে, যে উৎকৃষ্ট বসন ভূষণ পরিধান করে, যে বহুল্যা শকটাদি যানে গমনাগমন করে এবং যে সকল সুখ সাযগী ব্যবহার করে, মুদ্রা দ্বারা তাহা সমস্তই প্রস্তুত হইতে পারে । মুদ্রা দিয়া পৃথিবীর তাবৎ বস্তুই জন্ম করিতে পাওয়া যায় । মুদ্রা প্রদান করিলে

সকলোই সকল কার্য করিয়া দিয়া থাকে । সম্পন্ন
 থাকে। যুদ্ধা দ্বারা নানা বস্তু ক্রয় করিয়া,
 যুদ্ধাকজনকে যুদ্ধা দিয়া ঐ সকল অট্টালিকাদি
 নির্মাণ করাইয়া লন । এবং যুদ্ধা দ্বারা ঐরূপ
 নির্মিত অট্টালিকাদিও ক্রয় করিতে পাওয়া
 যায় । আর, লীন ভূখণ্ডী লোকেরা যে কুটীরে
 বাস করে, ও যে সামান্য খাদ্যসামগ্রী ও গৃহ-
 সামগ্রী ব্যবহার করে, তাহাতেও, অধিক না
~~হইলে~~, অল্প যুদ্ধারও প্রয়োজন হইয়া থাকে ।

বৎস : আমাদের যে সকল বস্তুর প্রয়োজন হয়,
 আমরা কার্যিক পরিশ্রম করিয়া কতক প্রস্তুত
 করি, কতক বা যুদ্ধা দ্বারা আয়োজিত করিয়া
 লই । যাহাদের অধিক যুদ্ধা আছে তাহাদের
 সকল কার্যই তদ্বারা সম্পাদিত হয়, কার্যিক
 পরিশ্রম কিছুই করিতে হয় না । অতএব
 যুদ্ধা হইলেই সাংসারিক সমস্ত বস্তুই প্রস্তুত
 হইয়া থাকে । যে যুদ্ধার এত কর্ম সম্পন্ন হয়,
 সুতরাং তাহার পৌবর অবশ্যই হইতে পারে ।

সাংসারিক সমস্ত বস্তুস্বের আবতীয় বস্তুর
 প্রয়োজন হয়, কোন এক নির্দিষ্ট ব্যক্তি সমস্ত

দ্বার প্রস্তুত করিতে কদাপি সমর্থ হয় না । সুতরাং এক এক জাতীয় যন্ত্র এক এক প্রকার বস্তু অর্থাৎ যন্ত্রে প্রস্তুত করিয়া থাকে ; অর্থাৎ কৃষকের কৃষিকর্ম দ্বারা ধান্য, কলায়, মর্ষপাদি, খাদ্য সামগ্রী সমুদায় উৎপন্ন করে, তন্তুবায়েয় বস্ত্রাদি প্রস্তুত করে, এইরূপ আর আর ব্যক্তি নানা প্রকার শিল্পকর্ম দ্বারা অশেষবিধ আবশ্যিক বস্তু নির্মাণ করিয়া থাকে । যে ব্যক্তি যে বস্তু প্রস্তুত করে সে আপন আবশ্যিকমত ~~রাখিয়া~~ অতিরিক্ত দ্বারা অন্য ব্যক্তির নিকট অন্যান্য আবশ্যিক বস্তু পরিবর্ত করিয়া লয় । এই প্রকার বস্তু পরিবর্ত দ্বারা সকলেরই সংসারযাত্রা নির্বাহ হইয়া আসিতেছে ।

একগে বিবেচনা কর, বস্তু দিয়া বস্তুর পরিবর্ত করিতে হইলে অনেক অশ্লুবিধা ঘটিতে পারে । তুণ তুলকাদি সুপাকৃতি বস্তু এবং লৌহ সীসকাদি গুরুতর বস্তু স্থানান্তরে বহিয়া লইয়া যাওয়া, আর তাদৃশ অন্যান্য বস্তুর পরিবর্ত করিয়া আনা, ইত্যাদি কর্মে বিস্তর কষ্ট ও বিস্তর রুখা ব্যয়ের সম্ভাবনা । এবং হঠাৎ

পাথিগ্ধে কোন প্রয়োজনীয় বস্তু দেখিতে
 পাইলে তাহা পরিবর্ত করিবার কোন সঙ্কপায়ই
 হইতে পারে না। ইত্যাদি নানাপ্রকার অসু-
 বিধা নিবারণের নিযুক্ত দেশের রাজা এই মুদ্রা
 প্রচলিত করিয়াছেন। ইহা, ক্রয় বিক্রয়ের মধ্যস্থ
 স্বরূপ হইয়াছে। ইহাধারা সকল স্থানে সকল
 বস্তুই ক্রয় করিতে পাওয়া যায়। এই মুদ্রা
 লইয়া সর্বত্রই গতায়াত করা যাইতে পারে।
 যেখানে যখন যে বস্তুর প্রয়োজন হয়, এই মুদ্রা
 দ্বারা তৎক্ষণাৎ তাহা অনায়াসেই প্রাপ্ত হইতে
 পারা যায়।

মুদ্রা একটা ধাতুখণ্ড। ইহা অনায়াসে
 পাওয়া যায় না, অথচ সর্বদাই সর্বলোকের
 আবশ্যিক হয়; এইজন্য ইহার এত গৌরব হই-
 য়াছে। ধাতু নানাপ্রকার আছে, তন্মধ্যে
 রৌপ্যদ্বারা টাকা, আধুলি, সিকি, দুআনি প্রস্তুত
 হয়। স্বর্ণ সর্বাপেক্ষা উৎকৃষ্ট ধাতু, স্বর্ণদ্বারা
 যে মুদ্রা নিষ্পত্তি হয় তাহাকে মোহর ও গিনি
 বলা যায়। রৌপ্য অপেক্ষা স্বর্ণ অধিক দুর্লভ,
 অতএব টাকা অপেক্ষা মোহরের মূল্য বোলগুণ

অধিক। এইরূপ তাঅদ্বারা পর্যঙ্গী, আধপয়সা, ও সিকিপয়সা প্রস্তুত হয়। স্বর্ণ ও রৌপ্য অপেক্ষা তাত্ত অনেক সুলভ : এজন্য মোহর ও টাকা অপেক্ষা পয়সার মূল্য অনেক নূন। এক টাকার ষোল গুণ পয়সা পাওয়া যায়।

আর, আমরা যে ঘটা বাঁটা ও খালা প্রভৃতি গৃহসামগ্রী ব্যবহার করি, ইহাও এক এক প্রকার ধাতুতে নির্মিত হইয়াছে। অধিকাংশ গৃহস্থের ভবনেই ঐ সকল সামগ্রী পিত্তল, কাংসা ও ~~তাম্বা~~ নির্মিত ব্যবহার হইয়া থাকে। আর বাহারা অধিক ধনবান্, (রাজা প্রভৃতি,) তাঁহাদের ভবনে রৌপ্য ও স্বর্ণনির্মিত খালা ঘটা বাঁটা প্রভৃতি ব্যবহৃত হয়। স্বর্ণ রৌপ্যাদি ধাতুতে অনেক সামান্য-সামান্য লোকে বলয় হারাদি নানাপ্রকার অলঙ্কার প্রস্তুত করিয়া, শরীর শোভার্থ অঙ্গে ধারণ করে। আর, লৌহ এক প্রকার ধাতু, তাহা সর্বাপেক্ষা অধিক পাওয়া যায়, এজন্য তাহার মূল্য বড় অধিক নহে। লৌহের মধ্যে বাহা অতি উৎকৃষ্ট, ইস্পাত বলিয়া প্রসিদ্ধ, তদ্বারা কৃষিকর্মের উপযোগী

স্বাত্ম খনিত্র কোদাল লাঙ্গল প্রভৃতি এবং যুদ্ধো-
পযোগী তরবারি বর্ষা প্রভৃতি, আর সামান্য
করণোপযোগী ছুরি কাঁচি বর্জী প্রভৃতি নানাবিধ
অস্ত্র প্রস্তুত হইয়া থাকে। সংসারের পক্ষে
এই লৌহ ধাতু যাদৃশ উপকারে আউসে ও
ব্যবহারে লাগে, এমন আর কিছুই নহে।

ভূগর্ভে স্থানে স্থানে ধাতুর আকর আছে।
মনুষ্যেরা আকর হইতে ধাতু উত্তোলন পূর্বক
পরিষ্কৃত করিয়া কার্যোপযোগী করিয়া লয় ;
এবং দেশ দেশান্তরে বিক্রয়ার্থ প্রেরণ করে।
দেশের রাজা স্বর্ণ, রৌপ্য ও তাম্র ক্রয় করিয়া,
বাণিজ্যের সুবিধার নিমিত্ত, মোহর টাকা ও
পয়সা প্রভৃতি মুদ্রা প্রস্তুত করেন। অল্প সময়ে
ও অল্প ব্যয়ে অধিক সঙ্খ্যক মুদ্রা প্রস্তুত করি-
বার নিমিত্ত উত্তম যন্ত্র নির্মাণ হইয়াছে। কলি-
কাতা নগরে টাঙ্কশাল নামক ভবনে এই যন্ত্র
অনেকগুলি আছে। প্রত্যেক যন্ত্রে প্রত্যহ
লক্ষেরও অধিক সঙ্খ্যক মুদ্রা প্রস্তুত হইতে
পারে। যে রাজার রাজ্যকালে ও যে শালে
মুদ্রা প্রথম প্রস্তুত হয়, এবং উহার যত মূল্য,

এই সমস্ত বিষয় সুদূর উপর উত্তম অক্ষরে মুদ্রিত হইয়া থাকে । একপকার টাকার উপর এই সকল অক্ষর, এবং এতদেশের রাজ্যী বিক্রেতারিয়ার মুখখানিও মুদ্রিত হইয়াছে ।

নদী, পর্বত ।

একদা রবিবার দয়ারাম দীনবন্ধুকে লইয়া অতি প্রত্যাশে ভ্রমণ করিতে গিয়াছিলেন । সে দিন দয়ারামের অবকাশ ছিল, কাম্বু স্থানে যাইবার আবশ্যকতা ছিল না । ক্রমে ক্রমে কথায় কথায় অনেক দূর অতিক্রম করিয়া গঙ্গাতীরে উপস্থিত হইলেন । দীনবন্ধু কখন নদী দর্শন করেন নাই, কেবল সামান্য সামান্য পুষ্করিণীই দেখিয়াছিলেন । তিনি হঠাৎ তাদৃশী বিপুলবিসারা দীর্ঘাকারা নদী অবলোকন করিয়া, এককালে বিস্ময়াবিষ্ট হইলেন । পিতৃব্যকে জিজ্ঞাসা করিলেন, মহাশয় ! এ কি ব্যাপার ! আমি এমন জলাশয় কখন দেখি নাই । আমারদের বাটতে যে পুষ্করিণী আছে, ইহা তাই।

অপেক্ষা অনেক বিস্তৃত, এবং ইহার দীর্ঘতার বিষয় কিছুই নির্ণয় হইতেছে না।

দয়ারাম। বৎস! ইহা পুষ্করিণী নহে, ইহাকে নদী বলিয়া থাকে। নদীর বিস্তার কোথা স্থলে অল্প, ও কোন স্থলে অধিক, কিন্তু দীর্ঘতার আর ইয়ত্তা নাই। দুই চারি শত ক্রোশও হইতে পারে, দুই চারি সহস্র ক্রোশও হইতে পারে। এই যে নদী দেখিতেছ, ইহার নাম গঙ্গা নদী। ইহার দৈর্ঘ্য ৭৮ শত ক্রোশ। ইহার জল শুভ্রবর্ণ ও অতি নির্মল। ইহাতে স্নান করিলে অতিমাত্র পবিত্র হওয়া যায়, এবং পান করিলে শরীর শীতল হয়। ইহার আর একটা নাম জাহ্নবী। কিন্তু সকল স্থানকে জাহ্নবী বলে না। অতি প্রাচীন কালে ত্রিবেণীতে জহ্নু নামক এক যুনির আশ্রম ছিল। ঐ ত্রিবেণীকে এক্ষণে প্রয়াগ বলিয়া থাকে। সেই ত্রিবেণী হইতে গঙ্গাসাগর পর্য্যন্ত এই নদীকে জাহ্নবী বলা যায়।

দীনবন্ধু। মহাশয়! আর আর জলাশয়ের

যত ইহার জল স্থির নহে, অনবরতই উত্তর দিক্
হইতে দক্ষিণে গমন করিতেছে, ইহার কারণ
কি ?

দয়ারাম । বৎস ! এই যে পৃথিবীতে আমরা
ভ্রমণ করিতেছি, ইহা কত বৃহৎ, ও ইহার কি
প্রকার আকার, তুমি তাহার কিছুই জানি না।
তুমি কমলা লেবু ও বাতাপি লেবু দেখিয়াছ,
তাহার বেরূপ গঠন, এই ভূমণ্ডলেরও ঠিক
সেইরূপ গঠন ; কিন্তু লেবু অতি ক্ষুদ্র, ও
পৃথিবীপিণ্ড অতিশয় প্রকাণ্ড, এইমাত্র বিশেষ ।
এখন মনে করিয়া দেখ, ভূপিণ্ডের সকল স্থান
সমান উচ্চ হইতে পারে না, গোলাকার বস্তুর
একস্থান উচ্চ ও অন্য স্থান নিম্ন অবশ্যই হইয়া
থাকে । আমরা পৃথিবীর মধ্যে এই ভারতবর্ষে
বাস করিতেছি, আনাদের উত্তরে যত দেশ
আছে সে সকল ক্রমশঃ উন্নত হইয়া রহিয়াছে,
এবং আমাদের দক্ষিণে যাবতীয় দেশ আছে
সে সকল ক্রমে ক্রমে নিম্ন হইয়া রহিয়াছে।

বৎস ! আর একটা কথা বলি, যবে ফরিয়া-
রাথ, উন্নত স্থানে জল ঢালিয়া দিলে, সেই

জল নিম্ন দিকেই গড়িয়া যায়, ইহা জলের
স্বাভাবিক ধর্ম ।

এক্ষণে বুঝিয়া দেখ, ভারতবর্ষের উত্তর-
সীমায় হিমালয় নামে এক অতি প্রকাণ্ড পর্বত
আছে, এই গঙ্গা নদী ঐ পর্বত হইতে উৎপন্ন
হইয়া ভূতলে অবতীর্ণ হইতেছে । উত্তর
দেশ অপেক্ষা দক্ষিণ দেশ ক্রমে নিম্ন, সুতরাং
জলযন্ত্রী গঙ্গা ঐ উন্নত দেশ হইতে পতিত
হইয়া ক্রমশঃ নিম্ন দিকেই যাইতেছে । অতএব
এই গঙ্গার জল যে কেন দক্ষিণ দিকেই চলি-
তেছে, ইহার কারণ, বোধ হয় তুমি এখন
বুঝিতে পারিয়াছ ।

অনন্তর দীনবন্ধু বলিলেন, পিতৃব্য ! আপনি
কহিলেন ভারতবর্ষের উত্তর-সীমায় হিমালয়
পর্বত আছে, কিন্তু তাহার কিক্রম আকৃতি
কিছুই বর্ণন করিলেন না । আমি কখন পর্বত
দেখি নাই, অতএব পর্বতের বিষয় কিঞ্চিৎ
বিস্তারিত রূপে শুনিতে পাইলে বড়ই আশ্চর্য-
হিত হই, আর ঐ পর্বতের নাম হিমালয় কি
জন্য হইল, অনুগ্রহ করিয়া বলুন ।

দয়ারণ্য দীনবন্ধুর মুখে পর্কতবিষয়ে এইরূপ
অপূর্ব প্রশ্ন শুনিয়া আক্লাদিত হইলেন ; এবং
বলিলেন, বৎস ! পর্কতের বিষয় নর্কতোভাবে
বর্ণন করিতে হইলে অনেক বিলম্ব হইবে ।
এক্ষণে বেলা ততিরিক্ত হইয়াছে, অতএব
সঙ্ক্ষেপে বুঝাইয়া দিতেছি, শ্রবণ কর ।

পর্কত, এই পৃথিবীর অবয়ব ভিন্ন অন্য কোন
পদার্থ নহে । আমরা পৃথিবীর যে স্থানে বাস
করিতেছি, পর্কত ইহা অপেক্ষা অনেক উচ্চ ।
এত উচ্চ যে, দূর হইতে দর্শন করিলে, আকা-
শের নিম্ন প্রদেশে নিবিড় মেঘোদয় বোধ হইতে
থাকে । তুমি যে সকল অট্টালিকা অবলোকন
করিয়াছ, তাহা যেরূপ সমভাবে উচ্চ হইয়া
উঠিয়াছে, পর্কত সেরূপ নহে । উহা ভূতল
হইতে ক্রমশঃ উন্নত হইতে আরম্ভ হয়, তাহাতে
আরোহণ করিয়া অনেক দূর গমন করিলে ক্রমে
ক্রমে অতি উন্নত বোধ হইতে থাকে । তাহার
উপর বিস্তৃত বিস্তৃত ও ক্রমনিম্ন ভূমি আছে ।
মধ্যে মধ্যে মন্দিরনং ও অট্টালিকাবৎ উচ্চ উচ্চ
শৃঙ্গসকল দৃষ্ট হইয়া থাকে । এই সকল শৃঙ্গ

প্রায় উঠিতে পারা যায় না। আর কোন কোন স্থানে অনেক নিম্ন ভূমিও নয়নগোচর হয় ।

বৎস। এই সকল স্থান যেমন কেবল স্বর্ণায় দেখিতেই পর্বত-স্থান সকল একপ নহে, তাহার অধিকাংশই প্রস্তরযয় । তাহাতে এক একখানি এমত বৃহদাকার বিস্তৃত ও পরিষ্কৃত প্রস্তর আছে যে, তাহুপরি একদা অনেকে উপবেশনাদি করিয়া বিশ্রাম করিতে পারে । পর্বতের মধ্যে মধ্যে শোণবর্ণ স্তম্ভাকায় ও কঙ্কর-সকুল বাসুকায় স্থানও বর্তমান আছে, উহার উপর বড় বড় বৃক্ষাদি জন্মিয়া থাকে । কোন কোন স্থান নানাবিধ দুর্গম অবশ্যে পরিপূর্ণ । কোন কোন প্রদেশে স্বভারজাত বহু-সংখ্যক গভীর গহ্বরও বর্তমান আছে, তন্মধ্যে এমত অনেক গহ্বরও অনেক আছে যে, তাহাতে অনায়াসে প্রবেশপূর্বক সচ্ছন্দে অবস্থিতি করিতে পারা যায়। পর্বতের স্থানবিশেষে পর্বতীয় কৃষকেরা ভূমিকর্ষণ পূর্বক নানাবিধ শস্য উৎপাদন করিয়া থাকে । সেই শস্য দ্বারা প্রান্তবাসী মনুষ্যাংশের জীবন-যাত্রা নির্বাহ হয় ।

ভূতলের অন্যান্য প্রদেশ অপেক্ষা পর্বত-
 প্রদেশ উন্নত হওয়াতে, যেসমংহতি উহার স্থানে
 স্থানে নংলয় হইয়া অবস্থিতি করে। এই হেতু
 তথায় যথেষ্ট পরিমাণে বৃষ্টি হইয়া থাকে। সেই
 সকল বৃষ্টির জল পর্বতীয় নিম্নভূমিতে আসিয়া
 একত্র মিলিত ও রাশীভূত হয়। বৎস জলের
 গতি স্বভাবতঃ নিম্ন দিকেই হইয়া থাকে, ইহা
 তোমাকে বলিয়াছি। এই পর্বতীয় জলরাশি
 নিম্নে আসিবার কোন গথ প্রাপ্ত হইলেই তদ্বারা
 ভূতলে পতিত হইতে আরম্ভ হয়। অতি সূক্ষ্ম
 পথ দিয়া পতিত হইলে তাহাকে প্রস্রবণ ও
 ঝরণা কহা যায়। আর বৃহৎ পথ দিয়া পতিত
 হইলে, এই যেমন গঙ্গা দর্শন করিলে, এইরূপ
 নদী উৎপন্ন হইয়া থাকে। ভূতলে যাবতীয়
 নদ নদী বহিতেছে, সমুদায়ই প্রায় কোন পর্বত-
 তীয় জলরাশি অথবা কোন হ্রদ হইতে উৎপন্ন
 হইয়া, অনেক দূর বহিয়া গিয়া কোন সমুদ্রে
 বা হ্রদে অবস্রীর্ণ হইয়াছে।

এই পৃথিবীতে যাবতীয় পর্বত আছে,
 ভারতবর্ষের হিমালয় পর্বত সর্বাপেক্ষা উচ্চ

ও বৃহৎ, এই নিমিত্ত উহাকে গিরিরাজ বলিয়া থাকে । উহা এস্থান অপেক্ষা দুই ক্রোশ অর্থাৎ ১০ ক্রোশ উচ্চ । ঐ পর্বত ভারতবর্ষের উত্তরভাগে পূর্ব সমুদ্র হইতে পশ্চিম সমুদ্র পর্য্যন্ত লম্বান ও বিস্তারিত হইয়া রহিয়াছে । এই নিমিত্ত উহাকেই ভারতবর্ষের উত্তর সীমা কহা যায় । উহার উপর অনেক বৃহৎ বৃহৎ শৃঙ্গ আছে, তাহার এক একটা শৃঙ্গকে কৈলাস ক্রোঞ্চ প্রভৃতি নামে এক এক ভিন্ন ভিন্ন পর্বত কহিয়া থাকে । হিমালয়ের উপরিভাগে বড় বড় নদ নদী ও হ্রদ অনেক আছে । এবং কাশ্মীর নেপাল প্রভৃতি অনেকা-নেক রাজ্যও রহিয়াছে । স্থানে স্থানে বিস্তীর্ণ দুর্গম অরণ্যও বিস্তর আছে । তন্মধ্যে সিংহ ব্যাঘ্র গণ্ডক প্রভৃতি নানা বিংশ্র জন্তু অবস্থিত করে । আর, কোন কোন স্থানে বহুসংখ্যক রমণীয়া নগর ও গ্রাম আছে । তথায় অনেক ধনবান্ বলবান্ ও ভাগ্যবান্ লোক বাস করিয়া থাকেন । উহার মধ্যে কাশ্মীর দেশের জল ও বায়ু মনুষ্যদিগের যৌন সুখসেব্য ও স্বাস্থ্যজনক,

বোধ হয় যেমন আর কুত্রাপি নাই । ঐ হিমা-
লয় পর্বতের মধ্যে যথো স্থর্গ রৌপ্যাদি
নানা প্রকার বহুমূল্য ধাতুর আকর আছে ।

পৃথিবীর আর আর পর্বতে ক্লষ্ণবর্ণ প্রস্তর
ও বন থাকিতে সে সকল যেমন ক্লষ্ণবর্ণ দৃষ্ট হয়,
হিমালয় গিরি সেরূপ নহে । ইহার অধিকাংশই
শুক্লবর্ণ লক্ষিত হইয়া থাকে । ইহার কারণ-হিমা-
লয়ে শুভ্র প্রস্তর বিস্তর আছে, বিশেষতঃ অন-
বসুত হিমালয় পতিত হইয়া সংহত ও রাশীভূত
হইয়া রহিয়াছে, এই হেতু দূর হইতে দেখি-
লেও ঐ পর্বত অপূর্ব শ্বেতবর্ণই অনুভূত
হইতে থাকে । একটা শূক্ৰ অত্যন্ত শুক্লবর্ণ হও-
য়াতে, তাহার নাম ধবল গিরি হইয়াছে । বৈ-
শ্বেলে অধিক হিমালয় পতিত হয়, তথায় মনু-
ষ্যেরা গতিবিধি করিতে পারে না । যাইলে হিমে
সর্বত্র জড়ীভূত হইয়া অবশেষে প্রাণ বিনাশ
হয় । এইরূপ হিম আছে বলিয়া উহাকে হিমা-
লয় বলিয়া থাকে ।

সূর্যোদয়। দিকনির্ণয়।

এক দিন দীনবন্ধু অতিপ্রত্যয়ে পিতৃব্যমর্ঘভি-
র্যাহারে নগরবিহারে বহির্গত হইলেন। তখন
সূর্যোদয় হইবার অনেক বিলম্ব আছে, এবং
জঙ্গলে, গাছের ও উপবনে অন্ধকারও রহিয়াছে।
কিছু দূর অগ্রসর হইয়া, পূর্ববাহী এক প্রশস্ত
ও পরিষ্কৃত পথ ধরিয়া ক্রমাগত পূর্বমুখেই
চলিতে লাগিলেন। কিরৎক্ষণ বিলম্বে পূর্ব
দিকের গগনতল নির্মল হইতে আরম্ভ হইল,
এবং ক্রমে ক্রমে সাতিশর প্রকাশিত ও পরিষ্কৃত
হইয়া উঠিল। সে দিকে আর কুত্রাপি বিন্দুমাত্র
অন্ধকার রহিল না। অনতিবিলম্বেই নভোমণ্ডল
পিটলবর্ণ ও পরিশেষে শোণবর্ণ হইতে লাগিল।
তাহা দেখিয়া দীনবন্ধু দয়ারামকে জিজ্ঞাসিলেন
পিতৃব্য মহাশয়! একি আশ্চর্য ব্যাপার!
আমি পশ্চাৎ ভাগে ও উভয় পাশে নিরীক্ষণ
করিয়া দেখিলাম এরূপ অপরূপ ব্যাপার আর
কোন দিকেই নাই। এপ্রকার বর্ণপরিবর্ত্ত হই-
বার কারণ কি?

দয়ারণ্য বলিলেন বৎস ! প্রভাতে পূর্বাধিক
 এরূপ রক্তবর্ণ, কেবল আজি হইতেছে এমত
 নহে, যত দিন জগদীশ্বর জগৎসৃষ্টি করিয়াছেন
 প্রত্যহই প্রত্যয়ে এইরূপ হইয়া থাকে। তুমি
 দিবসে আকাশে যে সূর্য দেখিতে পাও ইহা
 সেই সূর্য উঠবার পূর্ব লক্ষণ হইতেছে। আর
 ক্ষণকাল পরেই দেখিতে পাইবে, সোনার ধালের
 ন্যায় শোণবর্ণ সূর্য্যবিন্দু অম্বরতলে অবগাহন
 করিতেছেন। সূর্য্যের কিরণ বহুদূর পর্য্যন্ত
 বিস্তরণ করিয়া থাকে। এক্ষণে ঐ যে অরুণ
 বর্ণ নয়নগোচর হইতেছে, উহা সূর্য্যেরই কিরণ।
 সূর্য্য যত অগ্রবর্তী হইতেছেন ততই ঐ বর্ণ
 সমধিক উজ্জ্বল হইতেছে। যখন উদয় প্রাপ্ত
 হইবেন, তখন প্রাতঃকাল হইবে। ক্রমে ক্রমে
 যখন ঠিক আমাদের মস্তকোপরি উপস্থিত
 হইবেন, তখন মধ্যাহ্নকাল হইবে। আর যখন
 পশ্চাৎ দিকে অন্তগমন করিবেন তখন সায়ংকাল
 হইবে। পুনর্বার আগামি দিনে, আজি যেমন
 উদিত হইতেছেন, এইরূপ উদিত হইবেন। চির
 কাল প্রতিদিন এইরূপ হইয়া আসিতেছে।

বৎস ! আমরা যে দিশু থে গম্বীষ করিতেছি এবং সূর্য্য উঠিতেছেন ইহাকে পূর্বদিক্ বলে । সায়ংকালে সূর্য্য যে দিকে অস্তগত হইবেন তাহা পশ্চিম দিক্ । আর, আমাদের বাম দিক্ উত্তর, ডাইন্ দিক্ দক্ষিণ । এই চারি দিক্ ভিন্ন যে চারিটা কোণ আছে তাহাদিগকে বিদিক্ বলিয়া থাকে । এই চারি কোণের প্রত্যেকের এক একটা বিশেষ নাম আছে । পূর্ব ও দক্ষিণের মধ্যবর্তী কোণকে অধিকোণ কহে । দক্ষিণ ও পশ্চিমের মধ্যবর্তী কোণের নাম মৈধ্বত । পশ্চিম ও উত্তরের মধ্যবর্তী কোণ বায়ুকোণ । এবং উত্তর ও পূর্ব দিকের মধ্যবর্তী কোণ কেশান কোণ বলিয়া কথিত হয় । বৎস ! এক্ষণে তুমি আমাদের বাড়ীটা মনে করিয়া দেখ, এবং বল দেখি তাহার সম্মুখদ্বার কোন্ দিকে রহিয়াছে ।

দীনবন্ধু । মহাশয় ! আমরা যখন প্রাতঃ-কালে বাড়ীর সম্মুখ দ্বারে বহির্গত হই, তখন সম্মুখেই সূর্য্যোদয় দেখিতে পাই । অতএব এই দ্বার বাড়ীর পূর্ব দিকে রহিয়াছে ।

দয়ারাম । বৎস ! তুমি সকলি বুঝিয়াছ, আর তোমাকে কিছুই বলিতে হইবে না । এই সুর্য্যোদয় দ্বারা ই সর্বদা সর্বত্র দিকনির্ণয় হইয়া থাকে । কিন্তু যখন বর্ষাকালে নিবিড় মেঘে সূর্য আচ্ছন্ন হইয়া থাকেন, অথবা রাত্রিকালে নিবিড় অন্ধকারে কিছুই দেখিতে পাওয়া যায় না, তখন আর এ উপায়ে দিকবিদিক বোধ হইতে পারে না । এই নিমিত্ত মহাবুদ্ধিজীবী উংরেজ মহোদয়েরা কম্পাস নামে একটি বিচিত্র যন্ত্র নির্মাণ করিয়াছেন । এ যন্ত্রে একটি আশ্চর্য্য সূচী আছে, উহার একরূপ স্বাভাবিক শক্তি যে, কি অন্ধকারে, কি মেঘোদয়ে, কি দিবাভাগে, কি রাত্রিযোগে, সর্বকালেই তাহার অগ্রভাগ কেবল উত্তরমুখ হইয়াই অবস্থিতি করে । যদিও সেই সূচী ধরিয়া বলপূর্বক অন্যমুখ করিয়া দেওয়া যায়, তথাপি ছাড়িয়া দিলে তৎক্ষণাৎ উত্তরমুখ হইয়া পড়ে । সুতরাং এ যন্ত্র সত্রে থাকিলে দিকনির্ণয় করিবার নিমিত্ত আর আদিত্য-দর্শনের প্রয়োজন হয় না । যখন অকূল সমুদ্রে জাহাজ চালান যায়, তখন কম্পাস ব্যতিরেকে দিকের নির্ণয়

আর কিছুতেই হয় না। এই অপূর্ব যন্ত্রের সাহায্যে অর্ণবযান-বাহনে যৎপরোনাস্তি সুবিধা হইয়াছে।

দীনবন্ধু বলিলেন পিতৃব্য! সমুদ্র কিরূপ পদার্থ তাহা কোথায় আছে?

দয়ারান বলিলেন, বৎস! সমুদ্র এক প্রকাণ্ড জলরাশি, ভূতলের অধিকাংশ আবৃত করিয়া রহিয়াছে। তুমি যে গঙ্গা নদী দর্শন করিয়াছ, তদপেক্ষা তাহার আকার অত্যন্ত বিশাল। সমুদ্রের তীরে দণ্ডায়মান হইয়া যত দূর দৃষ্টি-পাত করা যায়, কেবল নীলরং অতি বিস্তীর্ণ অপরিমিত জলরাশি ব্যতিরিক্ত আর কিছুই দেখিতে পাওয়া যায় না। মনুষ্যের দৃষ্টি চারি ক্রোশ পর্যন্ত চলিতে পারে, অতএব দৃষ্টিপথের অতীত বলিলেও সমুদ্রের বিশালতা প্রকৃতরূপে বর্ণিত হয় না। অর্ণবযান আরোহণ করিয়া সমুদ্রের উপর, চারি ক্রোশ কি, কোন কোন স্থানে চারি শত ক্রোশ গমন করিলেও পর পার হইয়া দূর হইত। আর, সমুদ্রের গভীরতা অসংখ্য হইয়াছে। ইহারাজেরা ইহার

নানা স্থানে মানরজ্জু নির্ক্ষেপ পূর্বক পরীক্ষা করিয়া দেখিয়া ছিলেন, কোন কোন স্থলে চারি পাঁচ সহস্র হস্ত পরিমিত রজ্জু ও তলস্পর্শ করিতে পারে নাই। ঐ প্রকাণ্ড জলমাশির মধ্যে কত সঙ্খ্যক কত প্রকার ও কত বৃহৎ জলজন্তু বাস করে, কে বলিতে পারে। সমুদ্রের অভ্যন্তরে স্থান বিশেষে অনেকানেক পর্বত জলমগ্ন হইয়া রহিয়াছে। মধ্যে মধ্যে ক্ষুদ্র ও বৃহৎ উপদ্বীপ সকল জলমধ্য হইতে উথিত হইয়াছে।

বহুসংখ্যক তুঙ্গি গঙ্গা নদীতে নৌকা ~~দেখা~~ করিয়াছে, সেইরূপ অতি প্রকাণ্ড নৌকা হইলেই তাহাকে অর্গবদান ও জাহাজ কহে। নৌকা যেমন নদ-নদীতে গমন করে, সেইরূপ ঐ জাহাজ সমুদ্রে গমন করিয়া থাকে। জাহাজের ভিতর যথেষ্ট স্থান ও কার্ঠময় গৃহ আছে, এমন কি, দুই তিন শত লোক অনায়াসে উহাতে বাস করিতে পারে। দ্বীপান্তরের বণিক লোকেরা সমুদ্র-পথে জাহাজে করিয়া ভদেশীয় নানাবিধ দ্রব্যজাত আনয়ন পূর্বক এতদেশে বিক্রয় করে, এবং এতদেশীয় দ্রব্য

সামগ্রী লইয়া গিয়া ততদ্দেশে বিক্রয় করে ।
 আমাদের একগণকার রাজা ইংরাজ বাহাদুরেরা,
 ইংলণ্ড হইতে এখানে আবিয়া, রাজা হইরা-
 ছেন । ইংলণ্ড দেশে স্থলপথে যাইবার সুযোগ
 নাই : তাহার সর্বদা জাহাজে করিয়াই সমুদ্র-
 পথে গতিবিধি করিয়া থাকেন ।

—০—

সূর্য ।

দীনবন্ধু কহিলেন, মহাশয় : প্রতি দিনই
 সূর্য উদয় হন, আমি সমস্ত দিনই উহাকে দেখিতে
 পাই : কিন্তু উনি কি পদার্থ, আমাদের কি
 উপকার করেন, এবং আমাদের কত দূরে
 আছেন, উহার কত বড় আকার, উনি পূর্বদিকে
 উদয় প্রাপ্ত হইয়া পশ্চিমে অস্তগত হন ইহারই
 বা কারণ কি ?

দুরায়িম বলিলেন, বৎস ! এই ভূগোলে
 অসামান্য-বুদ্ধি-সম্পন্ন ও কত পণ্ডিত লোক
 আছেন ইহা হইয়াছে তাহার সন্ধ্যা করা যায় না ।

আর এই সূর্য্যও জগতের সৃষ্টিকাল অবধি প্রতিদিন গগনমণ্ডলে উদয় প্রাপ্ত হইতেছেন । সূর্য্য কি পদার্থ তাহা নির্ণয় করিবার নিমিত্ত সকল বুদ্ধিমান ও সকল পণ্ডিতেই চেষ্টা করিয়াছেন এবং করিতেছেন ; কিন্তু অন্যাপি সূর্য্যরূপে কিছুই অকথ্য হইয়াছে নাই । কেবল যাহা দেখিতে পাওয়া যায় তন্মাত্রই নির্ণয় হইয়াছে, অর্থাৎ একটা প্রকাশ্য তেজোরশি গগনদেশে বিরাজ করিতেছেন । উহার অভ্যন্তরে আর কোন পদার্থ আছে কি না, কেহই কিছু বলিতে পারেন না । ঐ তেজোরশি হইতে সহস্র সহস্র রশ্মি নির্গত হইয়া ভূমণ্ডল ও গগনমণ্ডলের যাবতীয় পদার্থ উদ্দীপ্ত করিতেছে ।

বৎস ! রাত্ৰিকালে চন্দ্র মঙ্গল বুধ প্রভৃতি যে সকল গ্রহকে তেজোময় দেখিতে পাওয়া যায় উহার বাস্তবিক তেজোময় নহে । সূর্য্যের কিরণ ঐ গ্রহগণের উপরিভাগে সংলগ্ন হওয়াতে উহার ঐরূপ উজ্জ্বল তেজোময় রূপ ধারণ করে । আমরা রাত্ৰিকালে সূর্য্যের কিরণ দেখিতে পারি না, কিন্তু গগনের গ্রহগণ এত উচ্চ স্থানে অব

স্থিতি করিতেছে, যে রজনীতেও সূর্যভেজ
উদ্ভিদের উপর পতিত হইয়া থাকে।

বৎস! এই সূর্য্য হইতে পৃথিবীর যে কত
উপকার হইতেছে তাহার সঙ্খ্যা নাই। সূর্য্য
এই জগতের প্রতিপালন-কর্তা, উনিই বাবতীয়
জীবজন্তু এবং উদ্ভিদ পদার্থ সকলকে জীবিত
রাখিয়া ও ক্রমে ক্রমে বৃদ্ধিশীল করিয়া, জগতের
সমস্ত ব্যাপার সম্পন্ন করিতেছেন। সূর্য্যের
উত্তাপে পৃথিবীর রস উর্দ্ধে উঠিত হয়, তাহা-
তেই আকাশতলে জল-সঙ্ঘাত স্বরূপ বারিবাহ
উৎপন্ন হইয়া, সময়ে সময়ে ভূভাগে জল বর্ষণ
কর। সূর্য্যের উত্তাপ লাগিয়াই রক্ষ লতা ও
তৃণাদি উদ্ভিদ পদার্থ সকলের রস-কর্ষণ শক্তি
উৎপন্ন হয়, তাহাতে তাহারা দিন দিন বর্দ্ধমান
ও নানাবিধ পুষ্প ফলে শোভমান হইতে থাকে।
সেই সকল ফল ও তৃণ পত্রাদি দ্বারা অনুষ্য পশু
পক্ষী প্রভৃতি সমুদায় জীব জন্তুর আহার নির্বাহ
হয়। আহার ব্যতিরেকে কাহারও জীবন ধারণ
হইবার সম্ভাবনা নাই।

অতএব বিবেচনা করিয়া দেখ যদি সূর্য্য উদয়

না হইত, তাহা হইলে রসাতলের রসাকর্ষণ
কে কৰিতে পারিত। রসাকর্ষণ না হইলে গঙ্গা-
মণ্ডলে মেঘ জন্মিত না, ভূতলে বৰ্ষণ হইত না,
ধান্য কলাসাদি শস্য উৎপন্ন হইত না, এবং
বৃহৎ বৃহৎ বৃক্ষ সকলও জীৱিত থাকিয়া ফলোৎ-
পাদন কৰিতে পারিত না। সুতরাং আহাৰ-
ভাবে কি 'মনুষ্য, কি পশু পক্ষী, কি অন্যান্য
বৃহৎ ও ক্ষুদ্র জন্তু, সকলকেই প্ৰাণ পৰিত্যাগ
কৰিতে হইত। আৰু কাৰ্পাসাদি যে সকল
বৃক্ষের সাহায্যে বস্ত্ৰ বৰ্ণাদি সংসারের নানা-
বিধ শিল্পকৰ্ম সম্পন্ন হইতেছে, এবং পৃথিবীত
সমস্ত লোকের রোগাণীড়ার উপশমের নিমিত্ত
যে সকল ওষধি-লতার সাহায্যে ঔষধ প্ৰস্তুত
হইতেছে, সূৰ্য্যের অভাবে এ সমস্ত ব্যাপার
আৰু কোন প্ৰকাৰেই সম্পাদিত হইতে পারিত
না।

বৎস ! এখন মনে ভাবিলা দেখ, এই সূৰ্য্য
হইতে আগাদের কি অনিৰ্ব্বাচনীয় উপকার লাভ
হইতেছে। যেমন এক জন গৃহস্থ আপন
পরিবারবৰ্গের অধ্যক্ষ হইয়া তাহাদের বিপদ

নিবারণ ও সম্পদ সাধন পূর্বক তাহাদিগকে
 প্রতিপালন করিয়া থাকেন ; এবং যেমন এক
 জন রাজা দেশের সমস্ত প্রজার প্রতি সম-
 ভাবে দৃষ্টি রাখিয়া, সাধারণের মঙ্গলকর বিবিধ
 ব্যুৎপন্ন সম্পন্ন করিয়া তাহাদিগের সুখ সচ্ছন্দ
 সাধনে মনোযোগ সচেষ্ট থাকেন ; তেননি এই
 সূর্য্য জগতের যাবতীয় ব্যুৎপন্ন নির্বাহ করিয়া
 সকলকে সমভাবে প্রতিপালন করিতেছেন ।

সূর্য্য আমাদের অনেক দূরে অবস্থিত
 আছেন । আমরা যে পৃথিবীতে রহিয়াছি, এই
 পৃথিবী হইতে নয় কোটি পঞ্চাশ লক্ষ মাইল
 অর্থাৎ চারি কোটি আঠার লক্ষ ক্রোশ অন্তরে
 সূর্য্য স্থিত করিতেছেন ।

বৎস ! কত দূর হইলে এক মাইল অথবা এক
 ক্রোশ হয় তাহা তুমি জান না, শুন ।
 আমার এই অঙ্গুলির পর্ক দেখিতেছ, এই
 পর্কের যত টুকু পরিমাণ, তাহাকে এক ইঞ্চি
 বলা যায় । এইরূপ অষ্টাদশ ইঞ্চিতে এক হস্ত
 হয় । তিন হাজার পাঁচ শত বিংশতি হস্তে এক
 মাইল, এবং আট হাজার হস্তে এক ক্রোশ

হইয়া থাকে। তুমি এখন মনে করিয়া দেখ,
 আখরা বাটী হইতে বাহির হইয়া প্রায় এক
 ক্রোশ পথ চলিয়। আসিয়াছি; অর্থাৎ এখন
 হইতে আমাদের বাটী পর্যন্ত মাপিয়া গেলে,
 আট হাজার হস্ত হইবে। এই প্রকার পৃথিবী
 হইতে উর্দ্ধে মাপিয়া গেলে যত দূর
 আট হাজার হস্ত হয়, সেই স্থান পৃথিবী হইতে
 এক ক্রোশ উর্দ্ধ।

এক সঙ্খ্যাকে দশগুণ করিলে দশ হয়। দশকে
 দশগুণ করিলে এক শত। এক শতকে দশ-
 গুণ করিলে সহস্র অর্থাৎ হাজার হয়। হাজার
 রকে এক শত গুণ করিলে লক্ষ। লক্ষকে এক
 শত গুণ করিলে কোটি হইয়া থাকে। এই
 রূপে এক সঙ্খ্যাকে ক্রমে ক্রমে দশ দশ গুণ
 করিয়া সঙ্খ্যা হয় তাহার প্রত্যেকের পৃথক
 পৃথক নাম নির্দিষ্ট আছে। যথা—

একং দশ শতকৈব সহস্র-ময়ুতং তথা।

লক্ষঞ্চ নিযুতকৈব কোটি-রব্বদমেব চ।

বৃন্দঃ খর্বো নিখলশ্চ শঙ্খ-পদ্যোচ সাঙ্গরঃ।

অস্ত্যং মধ্যং পরাঙ্কিঞ্চ দশয়ুজ্যা যথোক্তান্ ॥

বৎস! তুমি সূর্যকে একখানি বৃত্তবর্ণ বড় খালার মত দেখিতেছ, কিন্তু উহার আকার এত ছোট নয় । উহা অত্যন্ত প্রকাণ্ড পদার্থ । আগাদের অতিশয় দূরে অবস্থিতি করিতেছেন বলিয়া ঐরূপ ছোট দেখাইতেছে । ঐ যে আগাদের খানিক দূরে একটি মানুষ আসিতেছে, উহাকে একটি এক বৎসরের মত ছোট দেখা যাইতেছে, কিন্তু নিকটে আসিলে ওরূপ থাকিবে না, অনেক বয়সের মানুষ দেখিতে পাইবে । এখন বিবেচনা করিয়া দেখ, আধ ক্রোশ অন্তরে যখন মানুষকে এতাদৃশ ক্ষুদ্র বোধ হইতেছে, তখন, সূর্য আগাদের কত কোটি ক্রোশ অন্তরে বিরাজ করিতেছেন, উহাকে যে রূপ দেখা যাইতেছে উহা অপেক্ষা উনি অনেক কোটি গুণে বৃহৎ পদার্থ । বৎস! এই পৃথিবী যে রূপ বৃহৎ পদার্থ তাহা তুমি কতক বুঝিতে পারিয়াছ, সূর্য উহা অপেক্ষা বহুতর গুণে বৃহৎ । কেবল দূরের নিমিত্ত আগাদের ছোট বোধ হইতেছে ।

বৎস! এই সূর্য প্রত্যহ পূর্ব দিকে উদিত হইয়া পশ্চিমে অস্ত হন কেন, তাহা তোমাকে

বলিতেছি, কিন্তু তুমি সম্পূর্ণরূপে বুঝিয়া হৃদয়ত
 করিতে পারিবে কি না, বলিতে পারি না।
 যাহা হউক শুন। আমরা যে পৃথিবীতে বাস
 করিতেছি ইহা প্রতিদিনই এক বার করিয়া পূর্বা-
 ভিমুখে ঘূর্ণায়মান হইতেছে। কিন্তু আমরা
 পৃথিবীর যে ভাগে আছি সেই ভাগেই রহি-
 য়াছি। এবং সূর্য্য আপন স্থানে স্থির হইয়াই
 রহিয়াছেন। সুতরাং ঘুরিতে ঘুরিতে পৃথিবীর
 যখন যে ভাগ সূর্য্যের অভিমুখে যায় তখন সেই
 ভাগে দিন হয়, তদ্বিপরীত ভাগে রাত্রি হয়।
 অতএব সূর্য্য প্রথমতঃ প্রভাতে পূর্বাভিমুখে দৃষ্ট
 হইন, এবং পশ্চিমে অদৃশ্য হইন, অর্থাৎ পৃথিবীর
 আড়াল পড়িয়া আমাদের দৃষ্টিপথের বহি-
 স্ত হইত হন। আর আমাদের অনেক পশ্চিমে
 যাহারা বাস করিতেছে, আমাদের অপেক্ষা
 তাহাদের সময়কাল কিছু বিলম্বে হয়, যে হেতু
 সূর্য্য আমাদের অদৃশ্য হইলেও তাহাদের কিছু-
 কাল দৃষ্টিগোচর থাকেন।

দীনবন্ধু কহিলেন পিতৃব্য! পৃথিবী প্রতিদিন
 একবার করিয়া পূর্বাভিমুখে ঘুরিতেছে, আর

সূর্য স্থির হইয়া রহিয়াছেন, কেবল এই সূর্য্যপার
টা' না বুঝিয়াও মানিয়া লইতে হইল, কিন্তু
পূর্বে উদরে ও পশ্চিমে অস্ত, ইহা অনায়াসেই
বুঝা গেল। দয়ারাম দীনবন্ধুর এইরূপ অসাধারণ
স্বাভাবিক বুদ্ধিপ্রভাব অনুভব করিয়া চমৎকৃত
হইলেন, সেদিন অনেক বেলা হইল, উভয়ে
বাটীতে প্রত্যাগমন করিলেন ।

এইরূপে দীনবন্ধু পিতৃব্য দয়ারাম শর্ম্মার সহ-
ভিব্যাহারে নিত্য নিত্য প্রভূবে ভ্রমণ করিয়া
জগতের নানা পদার্থের 'স্থূল স্থূল বৃত্তান্ত' অব-
গত হইলেন । তাঁহার পাঁচ ছয় বৎসর বয়ঃ-
ক্রম হইল, এই অল্প বয়সে তিনি যে এত অধিক
বিষয় জানিতে পারিলেন ইহা তাঁহার অসাধারণ
বুদ্ধি ও উৎসাহ-প্রভাবেই হইয়া উঠিল ।
তাঁহাকে যত্ন করিয়া উপদেশ দিতে হইত না,
তিনি যখন যে নূতন বিষয় দৃষ্টিগোচর করিতেন,
আপনিই যত্ন প্রকাশ করিয়া, পিতৃব্য, পিতা, বা
যে কোন ব্যক্তি নিকটে থাকিতেন, তাঁহার
নিকট জিজ্ঞাসিয়া তদ্বিষয়ের উপদেশ গ্রহণ
করিতেন । শিক্ষা বিষয়ে যে বালকের একপ

আরো, তাহার যে বিবিধ বিষয়ে জ্ঞান জন্মিবে ইহা কিছু আশ্চর্য ব্যাপ্য নহে।

একদিন বেলা দশ ঘটীর সময় দীনবন্ধু নিজ বাটার সম্মুখ-দ্বারে দণ্ডায়মান আছেন, এমত সময়ে দেখিলেন তাহারি সমবয়স্ক কতগুলি বালক বহি হস্তে করিয়া পথে চলিয়া যাইতেছে। দীনবন্ধু অননি বাটার মধ্যে আসিয়া আপন জননীকে জিজ্ঞাসা করিলেন, মা! আমার মত কতগুলি বালক একত্র হইয়া বহি হস্তে করিয়া কোথায় যাইতেছে? তাহারা সকলেই পরিষ্কৃত বস্ত্র পরিধান করিয়াছে। আহা, তাহারা কেমন আফ্লাদে মহাস্য বদনে গমন করিতেছে। আমার ইচ্ছা হয় উহাদের সঙ্গে যাই।

দীনবন্ধুর মাতা পুত্রের এই কথা শুনিয়া মনে মনে বড়ই আফ্লাদিত হইলেন। বলিলেন, বৎস! ঐ বালকেরা বিদ্যা শিখিবার জন্য বিদ্যালয়ে যাইতেছে। তোমার যদি উহাদের সঙ্গে যাইতে ইচ্ছা হইয়াছে, তবে আমি অবিলম্বেই তোমার পিতাকে বলিয়া, তোমাকে বিদ্যালয়ে নিযুক্ত করিয়া দিতেছি।

উৎকর্ষ-বিধান।

এই বলিয়া স্বামীকে সেই বিষয় জানাইলেন।
রূপারাম শর্মা গৃহিণীর মুখে শ্রিয়পুত্র দীন-
বন্ধুর পাঠশালার যাইবার আশ্রয় জানিতে
পারিয়া, পরম পুলকিত হইলেন। কনিষ্ঠ ভ্রাতা
দল্লারামকে ডাকিয়া কহিলেন ভ্রাতঃ! তুমি দীনকে
সমভিব্যাহারে লইয়া রাজকীয় বিদ্যালয়ে গমন
কর, এবং তথাকার অধ্যক্ষ মহাশয়কে কহিয়া
রীতিমত বিদ্যালয়ে প্রবেশিত করিয়া দাও।
দীনবন্ধুর নিমিত্ত যে সকল পুস্তক ক্রয় করিতে
হইবে এবং বিদ্যালয়ে যে বেতন দিতে হইবে
তাহা যেকোন রূপে পারা যায় নির্বাহ করা
যাইবে। যদি একান্ত আর কোন সুবিধা না
হইয়া উঠে, অন্ততঃ সংসার-ব্যয়ের উপঘাত
করিয়ুও দেওয়া যাইবে। তাহাতে আমাদের
আহারাদি বিষয়ে যে ক্লেশ হইবে, তাহা অবশ্যই
সহ করা উচিত। কারণ, যে মাতা পিতা পুত্রের
বিদ্যা শিক্ষা করাইতে অসম্মত করেন, তাহারা
পুত্রের পরম শত্রু। পুত্রের বিদ্যাভ্যাস না
করাইলে তাহাদের অসীম অধর্ম উৎপন্ন হয়।
সেই অধর্মের ফল ভোগ করিতে বড় বিলম্ব

উৎকর্ষ-বিধান ।

হয় না । পুত্র মূর্খ হইলে আবিলম্বেই নানা-
প্রকারে উৎকর্ষ যন্ত্রণা ভোগ করিতে হয় ।
সে যে কত দুঃসহ যন্ত্রণা, তাহাদের পুত্র মূর্খ
হইয়াছে তাহারাই বিলক্ষণ উপলক্ষি করিতে-
ছেন । অতএব ব্যয় করিবার ভয়ে যে পিতা
যাতা পুত্রের বিদ্যা শিক্ষা বিধানে বিমুখ হন,
তাহাদের তুল্য অবোধ ও অবিচক্ষণ এ জগতে
আর নাই । দয়ারাম, দীনবন্ধুর বিদ্যাশিক্ষার
প্রস্তাবে সাতিশর উৎসাহ প্রদান করিলেন ।

শেষতঃ এখানে একটি অতি উত্তম বিদ্যালয়
ছিল । তথাকার বিদ্যানুরাগী ভূস্বামী স্বদেশীয়
ভদ্র মহানদিগের অধ্যয়নার্থে ঐ বিদ্যালয়টী
স্থাপিত করেন । ঐ বিদ্যালয়ের পৃথিবীর
মান-চিত্র, খগোল ও ভূগোল প্রতিকৃতি,
রুম্বণ কামুকলক ও প্রস্তরকলক, এবং নানা
দেশীয় নানা জাতীয় পশু গর্ভী প্রভৃতির
আলেখ্য, ও শিক্ষাপযোগী দূরবীক্ষণ অণুবীক্ষণ
প্রভৃতি নানাবিধ যন্ত্র, এবং বেলানির্গায়ক
ঘটিকা-যন্ত্র ও আর আর শিক্ষাসামগ্রী সমস্ত
সম্বলিত ছিল । কলতঃ উছাতে সামগ্রী সমাধা-

উৎকর্ষ-বিধান।

নের অসম্ভাবে কোন বিষয়ক উপদেশের ব্যাঘাত
হইত না।

শোভন গ্রামের বিদ্যালয়ে, ঐ গ্রামবাসী ও
নিকট গ্রামবাসী তিন চারি শত বালক অধ্যয়ন
করিত। ছাত্রদিগের শ্রেণীভেদে চারি আনা
আট আনা করিয়া মাসিক বেতন নির্ধারিত
ছিল। ইহাতে যে অর্থ সংগৃহীত হইত তাহা-
তেই প্রায় স্কুলের তাবৎ ব্যয় নির্বাহ হইত।
মধ্যে মধ্যে আবশ্যিক ব্যয় উপস্থিত হইলে
ভূস্বামী নিজ হইতে তাহা প্রদান করিতেন।
তথায় ইংরাজী, বাঙ্গলা, ও উর্দু শ্রেণীতে
কিঞ্চিৎ কিঞ্চিৎ সংস্কৃতও অধ্যয়ন হইত।

বিদ্যালয়ে দশটি শ্রেণী শু দশ জন উৎকর্ষ
অধ্যাপক ও শিক্ষক নিযুক্ত ছিলেন। পাঁচ জন
ইংরাজী পড়াইতেন, আর পাঁচ জন বাঙ্গলা ও
সংস্কৃত শিক্ষা করাইতেন। প্রধান অধ্যাপকের
প্রতি তাবৎ বিষয়ে তত্ত্বাবধানের ভার অর্পিত
ছিল, এবং ভূস্বামী মহাশয় মধ্যে মধ্যে আসিয়া
উত্তম উত্তম নিয়ম নিরূপণ ও ছাত্রগণের পরী-
ক্ষাদি করিতেন। ভূস্বামীর এইরূপ অনুরাগ

উৎকর্ষ-বিধান ।

ও উৎসাহ প্রদান-প্রযুক্ত অধ্যাপকগণ সমৃদ্ধ ও অতি নিবিষ্ট চিত্তে অধ্যাপনা কর্ম অতি উৎকর্ষ-রূপে নির্বাহ করিতেন, তাহাতে ঐ দেশের ভদ্র সম্ভান যাত্রেই প্রায় কৃতবিদ্যা ও সচ্চরিত্র হইয়াছিলেন ।

ঐ বিদ্যালয়ে পাঠের নিয়ম অতি সুন্দর ছিল । প্রত্যহ এগার ঘণ্টার সময় পাঠারম্ভ হইয়া চারি ঘণ্টার সময় পাঠ ভঙ্গ হইত । এই পাঁচ ঘণ্টার মধ্যে যোগ্যানুসারে কোন শ্রেণীতে তিন ঘণ্টা ইংরাজী ও দুই ঘণ্টা বাঙ্গলা এবং কোন শ্রেণীতে দুই ঘণ্টা ইংরাজী ও তিন ঘণ্টা বাঙ্গলা পাঠ হইত । সর্ব কনিষ্ঠ নবম ও দশম শ্রেণীতে শিশুগণ প্রথম নিযুক্ত হইয়া, বর্ণ পরিচয়, বস্তু পরিচয়, বোধোদয় এবং শূদার্থ পদার্থ ও বাক্যার্থের বোধক ক্ষুদ্র ক্ষুদ্র পুস্তক পাঠ করিত । সপ্তম ও অষ্টম শ্রেণীতে নীতি-সার, নীতিবোধ প্রভৃতি নীতি-জ্ঞান সম্পাদক পুস্তক এবং ভূগোলের সঙ্ক্ষিপ্ত বিবরণ, ক্ষুদ্র ক্ষুদ্র অক্ষ পুস্তক, এবং ভাষা-জ্ঞানজনক আর কতিপয় পুস্তক পাঠ করিত, এবং ক্ষুদ্র

উৎসর্ঘ-বিধান ।

ক্ষুদ্র বাক্য রচনা ও লিপি কর্মের অভ্যাস করিত । প্রথম ও ষষ্ঠ শ্রেণীতে এমন পুস্তক সকল অধ্যয়ন করিত যে তাহাতে পূর্বাশিক্ষিত গুলি বাহুল্যরূপে অবগত হইতে পারা যায় । অধিকন্তু ব্যাকরণ এবং পূর্বতন ইতিহাসের সঙ্ক্ষিপ্ত বিবরণ পরিজ্ঞাত হইত । তৃতীয় ও চতুর্থ শ্রেণীতে সম্পূর্ণ ভূগোলরত্নাকর, তাবৎ দেশের ইতিহাস, আর সংস্কৃত গণিত শাস্ত্রের অনুশীলন, এবং নানাবিধ বর্ণনা ও প্রবন্ধরচনা করিবার রীতি শিক্ষা হইত । প্রথম ও দ্বিতীয় শ্রেণীতে পদার্থ-বিদ্যা, ভূগোলরত্নাকর, দর্শন-শাস্ত্র ও ধর্মশাস্ত্রের আলাচনা এবং ক্রিষ্ণিৎ ক্রিষ্ণিৎ সংস্কৃত ভাষার অভ্যাস হইত ।

এ বিদ্যালয়ের মধ্যে একটি অতিবিস্তৃত গৃহ ছিল । তাহার অভ্যন্তরে এক দিকে অধ্যাপক-বেস আসন, এবং আর তিন দিকে একরূপ উপায়পরিভাবে কাষ্ঠাসন বিন্যস্ত ছিল যে এক কালে হই তিন শত বা ততোধিক বালক তাহাতে শ্রেণীবদ্ধ হইয়া উপবেশন পূর্বক, অন্য আসনে অধ্যাপকের প্রতি দৃষ্টিপাত করিয়া

তাহার মুখ-বিনির্গত উপদেশ-বাক্য উপলব্ধি করিতে পারিত। প্রত্যেক শ্রেণীতে যেরূপ পাঠের নিয়ম ছিল, তদ্বিব, সপ্তাহের মধ্যে দুই দিন, পর্যায়ক্রমে এক এক জন অধ্যাপক দুই তিন শ্রেণীর ছাত্র একত্র করিয়া, ঐ গৃহে উপবেশন পূর্বক তাহাদিগকে নানা বিষয়ের উপদেশ প্রদান করিতেন। ঐ উপদেশগুলি তাহারা পূর্বে সংগৃহীত ও বিবেচিত করিয়া লিখিয়া রাখিতেন। ছাত্রেরাও তাহা শ্রবণ করিয়া তাহার তাৎপর্য লিখিয়া লইত, এবং সময়ান্তরে পুনর্বার তাহার অনুশীলন করিত। এইরূপ নিয়ম থাকাতো বিদ্যালয়ের তাবৎ ছাত্রই ক্রমে ক্রমে নানা বিষয়ে বিশেষ বিজ্ঞ হইয়া উঠিত। তাহারা শারীরিক স্বাস্থ্য বিধানের উপায়, শারীরিক অস্থি মাংস শোণিতাদির ব্যবস্থান, দ্রব্যগুণ নিয়ম, ধর্মবিষয়ক নানাবিধ বৈধকর্মের বিধান, জগদীশ্বরের প্রতি ভক্তি-স্থাপন, পরিবার, মুহূর্ত্তগ ও উদাসীনের প্রতি যথোচিত ব্যবহার, সংসার-ধর্মের কর্তব্যতা বর্ণনা ইত্যাদি নানা বিষয় অবগত হইত। এইরূপ

রীতিতে অধ্যাপকেরা কখন কখন, ছাত্রগণের পূর্বপঠিত ভূগোল, ইতিহাস, পদার্থ-বিদ্যা প্রভৃতির স্থূল স্থূল বিবরণ এবং যন্ত্রাদি দ্বারা প্রত্যক্ষ তাহার উদাহরণ প্রদর্শন করিতেন ।

দয়ারাম ভ্রাতুষ্পুত্রকে সমভিব্যাহারে লইয়া গিয়া, এই বিদ্যালয়ের সর্ব-কনিষ্ঠ শ্রেণীতে নিযুক্ত করিয়া দিলেন । দীনবন্ধু প্রতিদিন নিয়মিত সময়ে তথায় উপস্থিত হইয়া যথাবিধি অধ্যয়ন করিতে আরম্ভ করিলেন । তাঁহার সাত্তিশর মেধাশক্তি প্রযুক্ত বর্ণমালা সমুদায় অবিলম্বেই পরিচিত হইয়া উঠিল । ক্রমে ক্রমে উত্তরোত্তর পুস্তক সকল অধ্যয়ন করিতে লাগিলেন । অধ্যাপকগণ যখন পাঠ বলিয়া দেন দীনবন্ধু তখন এমন মনোযোগ পূর্বক শ্রবণ করেন, ও এমন তন্ন তন্ন করিয়া বুঝিয়া লন যে আর পুনরায় তাহা আলোচনা করিতে হয় না । এই শ্রেণীর অন্যান্য বালকেরা তাঁহার নিকট পাঠ বলিয়া লইয়া অভ্যাস করে, কিন্তু দীনবন্ধুকে কাহারো নিকট কিছুই বলিয়া লইতে হয় । এইরূপে অতি অল্পকাল মধ্যেই তিনি

কনিষ্ঠ শ্রেণীর নির্ণীত পাঠ্য পুস্তক সকল উত্তম-
রূপে আয়ত্ত করিয়া লইলেন । আর আর বাল-
কেরা ঐ শ্রেণীতে ছয় মাস পাঠ না করিলে
উত্তীর্ণ হইতে পারে না, কিন্তু দীনবন্ধু দুই তিন
মাস মধ্যেই সমুদায় শেষ করিয়া উপরি শ্রেণীতে
নিযুক্ত হইলেন । এবং সেই শ্রেণীর নিয়মিত
গ্রন্থগুলি অন্যান্যপেছা অল্প দিনেই অভ্যস্ত ও
কণ্ঠস্থ করিয়া লইলেন ।

এইরূপে ক্রমে ক্রমে সকল শ্রেণীতেই শ্রেষ্ঠ-
রূপে পরিগণিত হইয়া দীনবন্ধু বিদ্যালয়স্থ
তাবৎ ব্যক্তিরই পরম প্রীতিপাত্র হইয়া উঠি-
লেন । তিনি যদবধি ঐ পাঠশালার পাঠ
করিতে আরম্ভ করিয়াছিলেন, তাহার মধ্যে
ত্রৈমাসিক বা বার্ষিক পরীক্ষার উত্তীর্ণ হইতে এক
বারও বাধ হয় নাই, এবং প্রতিবারেই প্রধান
পারিতোষিক প্রাপ্ত হইয়াছিলেন । তাহাতে
রূপারাম শর্মাকে দীনবন্ধুর নিমিত্ত অধিক
পুস্তক বা লেখনী ও পত্র প্রভৃতি শিকাসামগ্রী
প্রায়ই ক্রয় করিতে হয় নাই । কেবল পাঠ-
শালার নিয়মিত বেতন মাত্র প্রদান করিয়াই

তিনি নিশ্চিন্ত থাকিতেন । দীনবন্ধু আপন
 গুণেই সমস্ত উপকরণ সংগ্রহ করিয়া নানা-
 বিন্যাস বিলক্ষণ কৃতকর্ম্য হইয়া উঠিতেন ।

দীনবন্ধুর চরিত্র অতি চমৎকার । যে ব্যক্তি
 বস্তুবিক সচ্চরিত্র হয়, শৈশব কালাবধিই তাহার
 মাদায় লক্ষণ বিলক্ষণ লক্ষিত হইতে থাকে ।
 দীনবন্ধু এই বাল্যাবস্থাতেই পিতা-মাতার প্রতি
 যেকপ ভক্তিযুক্ত ব্যবহার, আর আর পরিবারের
 প্রতি যেকপ স্নেহপ্রকাশ, এবং বিদ্যালয়ের
 অধ্যাপকগণ ও সতীর্থবর্গের প্রতি নেকপ বিনীত
 আচরণ করিতেন, তাহাতে তাঁহার প্রতি তাব-
 তেই সম্পূর্ণ শ্রীতিপ্রকাশ ও স্নেহবিতরণ না
 হইয়া থাকিতে পারিতেন না । ফলতঃ দীন-
 বন্ধুর মুহিত বাহার একবার আলাপ পরিচয়
 হইত তাঁহার গুণে তাঁহাকে অবশ্যই বশীভূত
 হইত হইত । যখন যে সমাজে বালকবর্গের
 বিদ্যা বুদ্ধি ও চরিত্রের প্রসঙ্গ উপস্থিত হইত,
 সুপ্রাণে দীনবন্ধুর প্রশংসা না করিয়া ও
 তাঁহাকে ধন্যবাদ না দিয়া, কেহই নিরস্ত থাকিতে
 পারিতেন না ।

দীনবন্ধু নিতান্ত সুন্দর বালক ছিলেন না, কিন্তু তাঁহার শরীরমৌলিক ও মুখভঙ্গী অতি উত্তম ছিল। বিশেষ, তাঁহার বদনমণ্ডলের এমনি প্রসাদগুণ যে, যিনি দর্শন করিতেন তিনিই আচ্ছাদিত হইতেন। দীনবন্ধুর মর্কটমু সম্মিত বদন, তিনি কখন কাহার প্রতি ত্রুটি হইয়া কটু কথা প্রয়োগ বা বিদেহ প্রকাশ করেন নাই, সকল ব্যক্তিকেই স্বভাবসিদ্ধ সুনিষ্ঠ বচনে সন্তোষ করিতেন। দিনব্যয় অথবা প্রকাশ পূর্বক কাহার সহিত বেরূপ আলাপ করিতে হয় তাহা-বয়ে দীনবন্ধুর বিদূষিতও ত্রুটি হইত না। কলতঃ দীনবন্ধুকে দেখিলেই বোধ হইত, যে মর্কটমুই প্রসাদগুণে পরিপূর্ণ, দিনররমে অর্ন্তিক্ত ও স্নেহসুধায় পরিলিপ্ত হইয়া রহিয়াছেন।

বাল্যাবস্থাতেই দীনবন্ধু দয়াগুণের নান নিদর্শন প্রদর্শন করিয়াছিলেন। পাঠশালায় কোন দরিদ্র বালকের পুস্তকভাবে পাঠে ব্যাঘাত ঘটিলে, দয়ালু দীনবন্ধু আপন পুস্তক তৌষিক হইতে তাহাকে পুস্তক দিতেন। কোন বালকের পীড়া হইলে দুই বেলা তাহার

গিয়া তত্ত্বাবধান করিতেন । ক্রীড়ার সময়ে
 শৈবামীন কোন বালকের গুরুতর আঘাত
 লাগিলে, তৎক্ষণাৎ তাহার আহত স্থানে
 শীতল জল ও বাজন-বায়ু প্রদান পূর্বক শুশ্রূসা
 করিতেন । আর তিনি জল খাইবার নিবন্ধ
 নিত্য নিত্য যে দুইটা পয়সা পাইতেন, প্রত্যহ
 বিদ্যালয়ের যাতায়াতের সময় পথিমধ্যে দীন
 দরিদ্র অনাথ ভিক্ষুক দেখিলেই তাহাকে সেই
 পয়সা প্রদান করিতেন । বহুকালি ভিক্ষুক
 পয়সা পাইয়া অসীম আনন্দে যথ হইয়া জাশী-
 র্বাদ করিতে থাকিত, দীনবন্ধু তৎকালে
 তাহার সেই ভাবভঙ্গী দেখিয়া যেকোন স্তম্ভিত
 হইতেন, ঐ পয়সায় মিষ্টান্ন ক্রয় করিয়া ভক্ষণ
 করিলে কদাপি তাদৃশ হইতেন না ।

দীনবন্ধু যে কয় বৎসর বিদ্যালয়ে অধ্যয়ন
 করিলেন, তন্মধ্যে একটা অসাধারণ বুদ্ধি ও অসা-
 ধাৰণ্য দয়ার কর্ম করিয়াছিলেন । তিনি প্রতি-
 দিন পথে যাতায়াতের সময় দীন দরিদ্র অনাথ
 ভিক্ষুকের দূর্বস্থা দর্শন করিয়া যনে যনে মহা-
 শ্রদ্ধিত হইতেন । আপনার জল খাইবার পয়সা

দুইটা প্রদান করিয়াও মনের প্রকৃত সম্ভ্রাব জন্মিত না। দুই পরমাতে একটা ব্যক্তিরেকে অনেকগুলি দরিদ্র লোকের যৎসামান্য উপকারও দর্শিতে পারে না। অতএব তিনি এক দিন মনে মনে ভাবিলেন “আমরা বিদ্যালয়ে যতগুলি ছাত্র অধ্যয়ন করি, যদি সকলেই আপন আপন জলপানী পরমা হইতে নিত্য নিত্য এক একটা প্রদান করি, তাহা হইলে প্রতিদিন ৫।৭ টাকা সঞ্চিত হইতে পারে। ক্রমাগত এই রূপ সংগ্রহ হইলে, মাসে মাসে দুইশত টাকারও অধিক, এবং এক বৎসরের মধ্যে দুই সহস্র মুদ্রারও অধিক সঞ্চিত হইবে। এই প্রকারে কয়েক বৎসর সঞ্চয় করিতে পারিলে সেই সঞ্চিত ধন হইতে অনায়াসেই অনেকগুলি দীন দরিদ্র লোকের ভরণ পোষণ চলিতে পারিবেক, এবং অনেকগুলি অনাথ বালকের বিদ্যা-পার্জনও হইতে পারিবেক। অথচ সেই ধন সঞ্চয়ের জন্য কাহারো বিশেষ কষ্টভোগ করিতে হইবে না।”

দয়াল দীনবন্ধু মনে মনে এই কল্পা স্থির

করিয়া, বিদ্যালয়ের বালকদিগের নিকটে একে একে সেই প্রস্তাব করিলেন । বালকেরা সকলেই তাঁহার গুণে বশীভূত ও বাধ্য হইয়াছিল, সুতরাং তাহার। এই সংপ্রস্তাবে সকলেই সম্পূর্ণ সম্মত হইল, এবং উৎসাহ ও আগ্রহ প্রকাশ পূর্বক নিত্য নিত্য দীনবন্ধু হস্তে এক একটা পরমা প্রদান করিতে লাগিল । দীনবন্ধু প্রতিদিন সেই পরমাগুলি প্রদান অধ্যাপকের নিকট সমর্পণ করিতে লাগিলেন । তিনি তৎক্ষণাৎ রাজভাণ্ডারে রীতিমত গচ্ছিত রাখিতে লাগিলেন । এইরূপে কিছু কালের মধ্যেই ঐ সম্পত্তি বিলক্ষণ বর্দ্ধিত হইয়া উঠিল । ভূস্বামী মহাশয় এই বিষয় অবগত হইয়া কি পর্যন্ত আনন্দিত হইলেন, বলা যায় না । তিনি ঐ বিপুল ধন-রাশির নাম “দীনবন্ধু সম্পত্তি” রাখিলেন । নিয়ম করিয়া দিলেন, তাহার উপস্থিত কেবল অনাথ-পুত্রের উপকারার্থই ব্যয় হইবে, আর কোন বিষয়ে তাহা অপচয় না হয় । এবং আর আর প্রকারে ঐ সম্পত্তি যাহাতে ক্রমশঃ সমৃদ্ধ হইতে পারে তাহার বিশিষ্ট উপায় করিয়া দিলেন ।

বালক দীনবন্ধুর উদ্যোগে "এই অতি মহৎ-
 ব্যাপার সম্পন্ন হইল দেখিয়া, তথাকার অধ্যা-
 পকগণ এবং প্রধানপ্রধান ছাত্রবর্গ নিতান্ত মন্তুষ্ট
 হইলেন। বিশেষ, এই দেশস্থ পিতৃমাতৃহীন
 অনাথ বালকদিগের ভরণ পোষণ, রক্ষণাবেক্ষণ,
 ও বিনোদ্যোপার্জন অক্রেমশেই নিৰ্বাহিত হইতে
 লাগিল। অল্প পত্র প্রভৃতি রিদ্দ লোক-
 দিগের অঙ্গ দ্বারে দ্বারে ভিক্ষা করিয়া বেড়াইতে
 হইত না। মহাত্মা ভূস্বামী মহাশয় একটা অতি
 বিস্তারিত দরিদ্রশালা নির্মাণ করিয়া দিলেন।
 তাহাতে দেশের যাবতীর অকর্ষণ্য দীন হীন
 ব্যক্তি মুখে অবস্থিতি করিয়া স্বচ্ছন্দে কালযাপন
 করিতে লাগিল। এই দীনবন্ধু-সম্পত্তি হইতেই
 এই বিশাল ব্যাপার চিরকাল সম্পন্ন হইতে
 লাগিল। শোভন আয়ের তাবৎ লোক দীন-
 বন্ধুর এই অলোক-সামান্য বুদ্ধিনৈপুণ্য ও স্নেহ
 দাক্ষিণ্য অবগত হইয়া তাঁহাকে কতই আশী-
 র্বাদ ও কতই প্রশংসা করিতে লাগিল।

দীনবন্ধু এইরূপে কিছুকাল অধ্যয়ন করিয়া
 অতি অল্পবয়সের মধ্যেই একপ্রকার কৃতবিদ্য

হইয়া উঠিলেন । • বিদ্যালয়ের সমুদায় অধ্যাপক ও অধ্যক্ষ মহাশয় তাঁহার নানা প্রকার অসামান্য গুণে বশীভূত হইয়া তাঁহাকে সম্পূর্ণ স্নেহ করিতেন । দীনবন্ধুর পাঠ সমাপ্তি হইলেও তাঁহার। তাঁহাকে বিদ্যালয় হইতে স্থানান্তরে যাইতে দিলেন না ; আপাততঃ ঐ পাঠশালারই একটা ক্লাশে সহকারী অধ্যাপক রূপে নিযুক্ত করিলেন, এবং মাসিক ২০ টাকা করিয়া বেতন অবধারণ করিয়া দিলেন । দীনবন্ধু অধ্যক্ষ মহাশয়ের এইরূপ অনুগ্রহ প্রকাশে সান্ত্বিত হইলেন । তাঁহার পিতা মাতা এই বৃত্তান্ত শ্রবণ করিয়া যৎপরোনাস্তি সন্তোষ প্রকাশ করিলেন, মনে করিলেন, বৎস দীনবন্ধু হইতে এত দিনের পর আমাদের সৌভাগ্য লাভ । মুখ সম্পত্তি বৃদ্ধি হইবেক তাঁহার সোপান হইয়া উঠিল ।

দীনবন্ধু বাল্যকালাবধি যে বিদ্যালয়ে অধ্যয়ন করিয়া মনুষ্য-পদবী প্রাপ্ত হইয়াছেন, এক্ষণে তিনি সেই বিদ্যালয়ের একজন অধ্যাপক হইয়া, ক্রিত শত শিশুকে মনুষ্যমধ্যে গণনীয় করিবার

নানা প্রকার উপায় উদ্ভাবন করিতে লাগিলেন ।
নানাজাতীয় অসম্ভব বালকের অধ্যাপক হইলে,
অধ্যাপককে যে সকল গুরুতর বিষয়ে দায়ী
হইতে হয়, দীনবন্ধু তাহা উত্তম রূপে জানিতেন ।

পরমেশ্বর এই জগন্মণ্ডলে মনুষ্য জাতিকে
বুদ্ধি ও বিবেচনা শক্তি প্রদান করিয়া সর্বশ্রেষ্ঠ
করিয়াছেন । তাহার এই অভিপ্রায়,—“মনুষ্য-
গণ শিক্ষা ও অভ্যাস দ্বারা বুদ্ধিবৃত্তি চালনা
করিয়া উত্তরোত্তর উৎকর্ষ বুদ্ধিশালী হইবে,
এবং সেই বুদ্ধি সহকারে বিবেচনা পূর্বক জগ-
তের নানাবিধ মঙ্গল ও শ্রীবৃদ্ধি সাধন করিতে
সচেষ্ট থাকিবে ।” শিশুগণ জন্মিবামাত্রেই কিছু
যাবতীর বিষয়ের বিজ্ঞান লাভ করিতে সমর্থ
হয় না । অপেক্ষাকৃত অধিক-বয়স্ক বিজ্ঞ বুদ্ধি-
দিগের উপদেশ দ্বারা ক্রমশঃ নানা বিষয়ে
জ্ঞান উপার্জন করিতে প্রবৃত্ত হয় । তাহাদের
বিজ্ঞতা, বুদ্ধি, সম্পাদনের নিমিত্তই, বিজ্ঞতম
মনুষ্যেরা, বিদ্যালয় স্থাপন করিয়া থাকেন ।
বিদ্যালয়ে নানা শাস্ত্র অধ্যয়ন ও নানা
বিষয়ে নানা প্রকার উপদেশ লাভ করিয়া, বাল-

কেরা ক্রমশঃ যত্নব্যাপদবীতে পদাৰ্পণ করে, এবং জগতের কুশল সম্পাদনে প্রবৃত্ত হইয়া, তাহা যথাসাম্য নির্বাহ পূর্বক, জগদীশ্বরের অভিপ্রায় সম্পন্ন করিতে থাকে ।

যে অধ্যাপকের উপদেশ বলে ও শিক্ষা-প্রদান কৌশলে, শিশু সকলে কৃতবিদ্য হইয়া উঠে, তাঁহাকেই প্রকৃত অধ্যাপক বলা যায় । তিনিই যথার্থ ঈশ্বরভিষেত কৰ্ম্য করিয়া প্রকৃতরূপে প্রতিষ্ঠাভাজ হইতে পারেন । আর বাঁহীর অনাদর ও অপরিশ্রম প্রযুক্ত বালক-বৃন্দের বিদ্যা বুদ্ধি ও বিবেচনা-শক্তির উন্নতি হয় না, তিনি কেবল নামমাত্রেরই অধ্যাপক । নিজ কর্তব্য কৰ্ম্য যথাবিধানে সম্পাদন না করিয়া—জগদীশ্বরের অভিপ্রায় স্থানিত্ব না করিয়া, তাঁহাকে বালকগণের, বিশেষতঃ সমস্ত জগতের, অনিষ্ট করণ জন্য দোষের ভাগী হইতে হয় । আর পরমেশ্বর তাঁহার প্রতি যে গুরুতর ভার সমর্পণ করিয়াছেন তাহা উযুক্তরূপে বহন না করিতে তাঁহাকে জগদীশ্বরের নিকটে এ বিষয়ের দায়ী হইতে হয় ।

শিশুদের পিতা মাতা প্রভৃতি গুরুজনেরা নিজ নিজ বালকদিগকে বিদ্যালয়ে অধ্যয়নার্থ নিযুক্ত করিয়া দেন, এবং বিদ্যালয়ের নিয়মিত বেতনাদি যথাবিধানে প্রদান করিতে থাকেন। কোন কোন ব্যক্তি এমন দুঃস্থ আছেন যে একরূপ বেতনাদি প্রদান করিতে তাঁহাদের বিস্তর কষ্ট স্বীকার করিতে হয়, তথাপি যেকোপে পারেন তৎপ্রদানে কদাচিৎ বিরত হন না। তাঁহারা মনুষ্য হইলে আশা করুন আমাদের বালকটী বিশিষ্টরূপে বিদ্যাশালী ও সুশীল হইলে ভবিষ্যতে আমাদের সকল কষ্টই নষ্ট হইতে পারিবে। ফলতঃ অনেকেরই একরূপ হইয়া থাকে। কিন্তু বিদ্যালয়ের অধ্যাপকের দোষে যদি সেই সকল বালক অকৃতবিদ্য ও অকর্মণ্য হইয়া উঠে, তাহা হইলে এ বিষয়ে অধ্যাপককে কত দোষের ভাগী হইতে হয়, বলিবার প্রয়োজন কি? তাঁহা হইতে সেই অকর্মণ্য বালকের পিতা মাতার এত অর্থ ব্যয়, এত কষ্ট স্বীকার, ও একরূপ ভবিষ্যৎফলাশা, সকলই নিষ্ফল হইল, বলিতে পারিবে। বালকের বয়ঃক্রম বৃথা অতি-

ক্রান্ত হওয়াতে, আর কোন অধ্যাপকের নিকট আর বে কখন বিদ্যাভ্যাস ও সঙ্গপদেশ লাভ হইবে, এক্ষণে তাহার আর সম্ভাবনা থাকে না। আর, পিতা মাতা, শিশুদের সঙ্গপদেশ দান ও বিদ্যাশিক্ষা বিধান রূপ আপন আপন কর্তব্য কৰ্ম নিৰ্বাহের নিমিত্ত, বিদ্যালয়ের অধ্যাপককে যে ভারার্পণ করিয়াছিলেন, এবং তিনিও প্রকৃতরূপে সেই ভার বহন করিবেন বলিয়া যে স্বীকার করিয়াছিলেন, তাহা সুসম্পন্ন না হওয়াতে সেই অধ্যাপককে অঙ্গীকার-ভঙ্গ-জন্য অবশ্যই দোষের ভাগী হইতে হয়, এবং সেই মুখ শিশুর পিতা মাতার নিকট সম্পূর্ণরূপে দায়ী হইতে হয়, সন্দেহ নাই।

এই সমস্ত বিষয়ে সম্পূর্ণ জ্ঞান সম্পন্ন ধার্মিক নীতিবান ক্রমশঃ প্রধান অধ্যাপক হইয়া, পাঠশালার ছাত্রদিগকে অতি উত্তম রূপে শিক্ষা প্রদান পূর্বক, সকলকেই কৃতজ্ঞতা ও সুশাল করিয়া তুলিলেন, এবং ক্রমেই দেশের স্বজ্ঞানোন্নতি হইতে লাগিল। ইতি

সমাপ্ত ।

